


綠野齋前後合集

卷六



廣西泗城府知府宋君墓誌銘

道光四年余同年友宋君育堂以陞泗城守赴部引



見。

天子嘉君之才訓以有守有爲座主英煦齋貴芸西兩夫子亦喜君謂詢粵西撫藩稱屬吏之精能廉正者必首推君同年友皆敬君飲食祖餞自君來至君出都無虛日君亦力以報

國自昂君至粵三寄余書今年冬余直內閣見粵西摺奏君因病出缺不禁拍案大呼曰噫育堂死矣歸視吾篋中君手書猶在是豈其夢耶何遽至於斯耶因哭君以詩有云豈惟交契親朋哭如此官聲朝野憐再云十月雁魚鄉國信一帆風雪洞庭

綠野齋前後合集

卷六

陳云云情事如書

一

船蓋君寄余書敘去歲冬暮赴粵過洞庭湖風雪中一日三百里謂余寡情獨不念故人耶余與君自己已成進士見君者再始君以獲逆魁來京時吾邑居京師者六七人朝夕相過從及君陞泗城守再至風流雲散惟余與陳偉堂學士在焉君固多情慨然有老如奔馬逼人來之句余贈君以序作長歌一首歷敘朋友聚散離合之故相與欷歔泣下君又與余言宦粵省十六年舊僚僅存四五人餘皆或陞或降或革或病或故君又與余言君弟染瘴死老母不敢久居瘴地因赴京侍輿回鄉土君又與余言守泗城得陰沉木美材二一奉老母壽一備自用言之貌若甚戚者或者此其兆與初君筮仕粵西得武緣令余

疑君懦弱恐不堪。及蒞任。百廢俱舉。逆魁林冲三謀叛。君密訪擒獲。餘黨伏竄山谷。率兵役燃膏油。搜山洞三晝夜。兵役多受瘴。君獨無恙事。

仁廟褒獎。卽用君州牧。得知歸順州大吏奇君才。省中巨案。委君審辦。君多所全活。君與省首邑令日照蕭某善。蕭死。虧庫帑三千金。妻子留粵不得歸。君固無餘貲。慷慨稱貸。力爲完。虧由是義聲動粵。西大吏旣奇君才。又心折君義。故越次奏君。歷署各府篆。今。

上卽位。擢君守泗城。行將大用。而君遽亡矣。嗟乎。吾邑自近年。

綠野齋前後合集

卷六

二

來官路坎珂甚者。罷職羈海外。次者鑄級。次者以病告。家居。再坎者京倖滿。截取司馬自投閒散。如余是也。而君同年友余兄漢儀先生。令安省蕪湖。士民愛戴。竟以迂鈍。改司鐸。不獲伸志。以歿。余嘗痛焉。然余兄得終牖下年。近中壽君以。

天子注意之材。壯盛之年。淹忽於七千里外之邊郡。尤可痛也。

陳○云○松○壽○始○非○風○四○起

悲夫。君之老母旣歸。視君之含歛者。不過君之寡妻與幼子。君

豈能瞑目乎。君所得二美材。已皆昇置於家。君命之酷。並不得獲一美木之用。君固不意死於粵。其亦瘴爲之耶。抑非瘴爲之耶。是豈獨君家之不幸耶。嗚呼。吾與君朋友。始終之義止此矣。君諱慶和。世爲萊之灘人。父諱某。早卒。

誥贈中憲大夫母陳氏

誥封太恭人皆以君貴嫡妻張氏繼郭氏皆

贈恭人繼吳氏子三人長某某氏出次某某吳氏出君卒於

道光五年某月日得年四十五歲乃係以銘曰

孰賦君之材兮孰斯君之年兮豈天道至大無賢愚一視兮吾

不獨哀君之老母弔君之幼孤痛君之不逮大用以澤斯民兮

如讀元微之聞白太傅謫九江詩姚秋農師

淒風苦雨繞其筆端情至之文不覺與廬陵爭席陳其山

激宕之筆淒厲之音介侯竟死耶更闌燈炮對此高文爲之

欷歔爲之沉吟閻雨帆

江蘇贛榆縣知縣宋君墓誌銘

余與君之子可大嘉慶丁卯同舉於鄉戊辰赴禮部試同謁熊  
司寇司寇顧可大曰生父好官可惜已○已○同○成○進○士○同○謁○座○主  
費相國相國顧可大曰生父好官可惜余時不知君為何官亦  
不知君之可惜者何在也越十七年可大以君狀乞余誌君墓  
道之石余閱之慨然曰是所謂可惜者矣按狀君乾隆己亥舉

人乙卯大挑以縣令試用江蘇歷署蘇州海防同知常州松江  
鎮江通判溧陽阜寧陽湖吳江縣令補贛榆縣令君為人剛直  
不能迎承上官而為費制軍岳中丞所重署常州通判時費制  
軍過常問曰試用者皆攝縣篆君何獨未對曰職不敢妄動也

綠野齋則後合集 卷六

四

制軍默然然自是益敬君漕案之興則費與岳維持之力居多  
君之署吳江也漕平斛不加收輸者歡湧日送青魚鱧魚意蓋

自○成○典○故

取清廉也漕船有例規每船增至二百吳江船一百四十隻須  
銀巨萬君百計稱貸不能足其數過淮以吳江缺兌稟漕督君

遂以糧船勒索具詳漕督劾君及得  
旨嚴審漕幫漕督乃大驚而蘇守揭君虧庫帑當是時督撫議

為君地謂蘇守曰此時汝揭其虧帑耶汝往查籍蘇守取兩箱

如○開○其○聲○如○見○其○狀○其○生○手

及舊衣物列單上岳中丞顧眾官曰吾知其廉無所有不過布

被耳設法潛補君所揭數久之漕案定漕督糧道皆獲愆惟君

免議及補贛榆益勵清操勤政事贛地卑下民皆仰食青口青

口豪民爲埠頭網利君革埠頭商船大行除窩盜家孟毓亮兒弟獲曳刀手王愷等置諸法民乃安業邑舊有斬犯待決取卷察問因謀殺父仇起釁爲原情改軍民有以嗜血死而其兄訴其爲人毆斃所訴者已自承定讞後察知爲改詳再三請乃得民無冤獄三年引病歸當君以漕案錄供時君轉岳中丞中門岳拱立大言曰汝無恐汝好官人欺汝汝何過乎君出復拱立轉中門始坐是時中門外窺者以爲從來所未有顧僅以縣合收○拾○全○局○如○羣○流○起○望○而○指○事○類○情○推○見○至○隱○此○文○案○之○所○謂○明○識○終嗚呼君之終於縣令吾知之矣蘇守之揭君虧帑豈以仇君助漕督耳岳中丞之直君非獨愛君之廉節天下之漕江南居其半君一敗則旗丁之勢益張州縣將不堪其求且

綠野齋前後合集

卷六

五

天子命嚴審漕幫而不解君任已明見於數千里外故君得免議然君既與漕船爲難漕督糧道以君而獲愆君勢不能久居江省費制軍岳中丞在位則可一不在位後之任者一端皆足以陷君而又何遷擢之有乎君之告歸在費岳去江之日也時勢之相激然也故雖費制軍爲相國之日亦不過曰可惜而已君諱某字哲衡號菊堂先世爲濟南之長清人明初遷萊陽數世始顯世所稱蒞裳先生其一也考諱宏超邑廩生妣李太孺人本生考諱宏健邑庠生妣張太孺人周太孺人周太孺人生二子君其次也卒於嘉慶丙子年七十三配李孺人後君卒年八十一丈夫子一卽可大女二一適海陽趙康濟一適棲霞牟

宜樸。孫男一。孫女三。乃係之銘曰。  
慈廉之師。強項之吏。慈廉民所私。強項官所忌。六十懸車見君。  
智奕世考德視此誌。

樸老似老泉峭勁似半山

陳其山

結撰緊嚴傳神阿堵真筆有化工者

王漢南

勅授文林郎歷任山東范縣滕縣知縣采江唐君墓誌銘

代孫 貧谷

年同

嘉慶丁卯科余房師唐采江先生諱晟字仲熙世爲江蘇松江府華亭縣人曾祖諱淙國學生祖諱仁傑父諱以懋皆庠生母吳太孺人生子四先生居次生於乾隆二十八年正月二十一日卒於嘉慶十八年十二月二十三日年五十二歲配王孺人繼卒女二一王孺人生適青浦縣候補理問徐光烈一副室生未字而殤無子以猶子佐垂爲嗣道光五年將擇吉葬婁邑十九圖藏字圩新圩請銘於余蓋先生之卒十二年矣先生之德政施於吾鄉者弗可沒也已先生乾隆壬子鄉薦由教習選知

綠野齋前後合集 卷六

七

縣令吾鄉范邑七年令滕邑未一年以積勞卒先生任范久范之民戴先生之德最深先生卒後余嘗以事過范父老言及先生有泣下者以余出先生之門父老倍加敬愛余考范邑志稽

陳云加○居○寫○以○下○皆○靈○空○飄○渺○之○文

其山川風俗父老曰此我唐侯之所捐廉重刻也余入學宮泮池宏深父老曰此我唐侯之所鳩工疏濬也余謁昭忠祠先賢閔子祠義士左伯桃墓棟宇莊嚴樹木蔭翳父老曰此我唐侯之所創建栽植也父老又言嘉慶庚午范苦旱侯禱於縣南黑龍潭祠潭成平壤因謂父老曰龍生於水失水將安所憑依神變化掘地泉湧成淵旋得雨民以爲未足侯復齋沐願移災於身爲民請命越日雨大降四野歡聲如雷自侯去繼理者遇旱



未嘗不禱也。然而或應或不應也。民是以不忘唐侯也。嗚呼！仁矣。或曰：先生之德在范，終身不遷。官年不及中壽，又無丈夫子。揆諸修德獲報之理，當不其然。余曰：先生之德在范，范之父老言之。范之父老歿，范父老之子孫傳之，是卽所以報先生而。又將奚報乎？乃係之銘曰：先生之德，范民之思，勒諸貞珉，無溢辭。嗚呼！此非余小子之所能私。

絕不呆敏一筆運化事實如風卷雲舒起滅俱在空際無迹  
可尋真得韓歐三昧

陳其山

通篇用追寫之筆

莊年

例贈文林郎仰端衛君墓誌銘

君諱師貢字仰端山西洪邑右臣里人也。祖諱寅字敬伯。

誥贈武義都尉父諱洪滋字晉源。

誥授武義都尉晉源公娶李淑人生君及弟師俞。隨父寄居山左。滋陽經理。齟務配劉孺人生二子。長人紀庠。生次肇榮。女一適濟南美基。蓋公之次子。劉孺人先君卒。君生於某年某月某日。卒於某年某月某日。享年四十有八。君子肇榮從余學。壬午領薦。將扶君與劉孺人之柩歸合葬於洪邑村東之新圩。乞銘於余。余問狀。則曰。吾父少聰敏。長以多疾廢讀。吾祖家法嚴峻。吾父承順惟謹。早卒。無狀可紀。言之泣然流涕。余曰。是即可銘。

綠野靈則後合集

卷六

九

也。己子曰。父在觀其志。父沒觀其行。朱子解之曰。父在子不得自專。故無行可見。所可見者惟志而已。世之自詡聰明才辯之士。往往於父之在。卽急以行自見。是豈果能獎順父之美。匡救父之失哉。毋亦笑父之拙而濟之以巧也。不樂父之厚而益之以薄也。明以行之。是謂專父之權。不孝孰甚焉。隱以行之。是謂移父之志。不孝孰甚焉。世俗之偷也。父皆樂有能子。父有能子。父乃不得有子矣。此余於銘君不禁執筆而太息也。君劉孺人有賢行。順於舅姑。無事可見。與君等故並銘之。銘曰。

君之卒在晉源公之前。無可銘。乃可銘。

妙於取義遂成繪空高手

陳其山

極寫後世父子之弊有關世教之文  
周敬修  
可以教孝銘亦入古  
莊年

綠野齋前後合集

卷六

十



諸授奉直大夫布政司經歷穎思陳君暨配譚宜人合葬墓誌

銘

吾邑

諸授奉直大夫布政司經歷陳君既亡二年其子鳳翰以狀來京乞銘於余余按其狀不禁泣然流涕也悲夫自君卒後先君之知交略盡矣君諱迪聰字穎思號鶴亭系出穎川明初始祖大觀由滄洲官濰遂家焉祖諱汝泰

賜封奉直大夫父諱陽舒

賜贈奉政大夫祖妣時氏妣孔氏皆

封宜人君之生父歿已逾月節母教養至於成立君既長由邑

綠野齋別後合集卷六

宰上達請於

朝得

旌表先君嘗曰君每言節母茹荼飲蘖之苦未嘗不泣下也先君又曰君陳氏之勞人也敦睦宗族恤難救災如恐不逮堂兄迪光早世君撫其子學羣學羣又不中年君又撫其幼孤毓琦覆翼三世蓋三十年如一日先君又曰君陳氏之厚德人也親戚日待舉火者數家寒暖一謀面春秋兩試必饋贖或謁選赴任艱於旅費則倒橐以助其不吝如此君功在學校濰舊有金復二衛學後裁撤君集同學請於學使入奏增學額紳士共製匾額以贈君是役也先君實與其事辛未

維大饑君倡邑人捐資巨萬食餓癸酉河南滑縣亂君又集邑人繕完以衛桑梓先君已不得見矣先君落落寡合素封之家雖親串不多往來獨親密君余師韓理堂先生德行學問爲鄉黨望暮年與君稱接洽高覲甫先生以宿儒與君至契君家有小園亭疊石爲山跨水爲橋每當花朝月夕先君與君同諸先生讌集其中猶憶余夜自塾歸候問先君起居鼓三下家人猶云在君家自己已先君卒時韓理堂先生已前歿數年今君又卒高覲甫師無徒寡歡獨居悲僚俯仰身世之間老成遽多殂謝豈不重可慨耶君生於乾隆十四年七月二十五日卒於道光二年十二月十六日壽享七十有四君夫人譚宜人有賢行

綠野齋則後合集

卷六

三

與君稱德配後君一年卒余重感於先君與君相交之故故於譚宜人之事略而不詳也子六人長鳳翰譚宜人出嘉慶甲戌科進士翰林院庶吉士改

授廣東封川縣知縣加捐郎中工部都水司行走以

覃恩晉封君奉政大夫君夫人爲宜人次鳳彩鳳階側室李孺

人出鳳彩貢生鳳階嘉慶癸酉科拔貢江蘇荆溪縣知縣次鳳

藻鳳桐鳳翎側室金孺人出鳳藻貢生鳳桐鳳翎俱業儒女七

人五出譚宜人二出側室李孺人孫男五人孫女七人乃係之

銘曰

君之德富而好施先君之知余以銘之垂來茲

文至真處便自入人心脾不必有意與古人比工已得六一之神髓矣

陳其山

六一風神敘次亦步武昌黎

關雨帆

老成殂謝一段正是加一倍寫陳君

莊年

綠野齋前後合集

卷六

三

諸授光祿大夫 經筵講官禮部尚書姚文偉公墓誌銘

道光七年十一月十一日酉時

諸授光祿大夫秋農姚公卒於京寓距生於乾隆二十三年七

月二十六日寅時壽享七十歲遺摺入

天子震悼諭內閣禮部尚書姚文田嘉慶間由修撰洊陟卿班

入直南書房晉階卿貳朕御極後擢任左都御史本年復授禮

部尚書久直內廷歷司部務清勤謹慎克盡職守方期益資委

任乃遭疾數日即爾奄逝聞之殊堪軫惜著照尚書例賜恤任

內所有處分悉予開復應得卹典該部察例具奏欽此越五日

禮部請諡奉

綠野齋別後合集 卷六

十四

旨予諡二十七日內閣上諡勤學好問曰文恭慎無過曰偉

賜諡文偉

諭祭葬八年春公子晏等扶公柩歸里卜於某月某日葬公於

蘆泉圩以翱列公門牆二十餘年知公深以狀乞銘於是翱泣

而言曰

天子之惜公可謂至矣按狀姚世系出吳興自元以後為湖州

府歸化縣人隸浙江世居府東北鄉姚家埭明萬曆中徙居府

城東後徙居月河是謂月河姚氏公少貧父贈光祿公客遊

四方母沈太夫人授經日或不再舉火對居有舊房廢地親

戚勸鬻以餬口太夫人曰吾子會有宦達時留此地建一品坊

耳乾隆己酉公以拔貢生領鄉薦甲寅

高宗幸淀津

召試授內閣中書嘉慶四年己未成進士

殿試一甲一名及第

授修撰官階右春坊庶子國子監祭酒詹事府詹事內閣學士  
兼禮部侍郎署吏部工部侍郎任戶部禮部兵部侍郎晉都察  
院左都御史署禮部工部尙書終禮部尙書內差

文淵閣校理

國史館總纂

實錄館纂修日講起居注

綠野齋前後合集

卷六

五

文淵閣直閣事稽查中書科教習庶吉士管理工部戶部錢法  
堂事務

南書房行走

經筵講官總裁丁丑會試正副考官庚申廣東辛酉福建丁卯  
山東乙酉順天鄉試學政廣東河南江蘇文武

殿試讀卷者三

朝考讀卷者一學政學錄教習拔貢閱卷者各一由通籍至正  
卿多

賞賚尙方珍物

仁宗時伊犁進馬



恩賞凡二年在江南

頒福至官解嘉慶間惟公一人爲異數今上四年

賞紫禁城騎馬公生平以文章經術結

主知嘗謂士或泥於古而戾於今是迂儒之爲也故孔子曰誦詩三百授之以政不達雖多亦奚以爲公使粵時奉

旨密查地方事公奏廣東遼閩人犯審解重費宜由巡道定勘又奏大吏因沽民譽汰舊規致官吏掣肘又奏大吏輕受下控致民不畏上又奏提督玩視洋寇致海氛不靖皆報可嘉慶十八年林逆不靖擾及

綠野齋訓後合集

卷六

六

宮廷是時

仁廟引咎責躬詔求直言公上疏謂唐虞三代無過教養南方之民患在賦重北方之民患在徭多久督撫之任則州縣之供費省寬州縣之考則人材之顧忌寡

仁廟用公言論吏兵二部刪減則例復陳念農桑緩刑獄疏曰

下之於上不患其不威而患其不愛任刑之世無過使民畏老

子言民不畏死奈何以死懼之漢文帝時法漏吞舟之魚而吏

治蒸蒸不至於奸者民愛故也秦人專尚法律其勤至於衡石

程書而一夫夜呼亂者四起由於但使民畏故也衣食者百姓

養命之原饑寒切身雖慈父不能保其子而君安得有其民故

孟子言民事不可緩也。

仁廟用公言論天下貴農重粟尙德緩刑公使江南時復進崇正論一篇。

仁廟褒獎今

上繼理大臣有陳漕務欲禁浮收不如明與八折與民便者公復論東南之大勢小民州縣旗丁各有不能上達之情奏入折收之議遂寢湖南耦庚賀方伯擇入

皇朝經世文編讀之者以爲如良醫之診脈症瘳畢現雖久任封疆未有能如此之詳且盡者制義之興七百年莫盛於明之正嘉周○子○特○敘○文○學○俯○仰○入○勝

綠野齋前後合集

卷六

七

國朝能劉諸家各自開生面惟安溪李公東臯實公及公力追取正始公學問無所不貫不僅制義爲學者宗而天下稱公之制義知與不知曰此今之安溪東臯也安溪李公在

聖祖時東臯實公在

高宗時皆以釐正文風爲已任公當嘉慶丁卯官起居注禮部先一日題請山東鄉試正副考官山東爲附畿大省尙用大僚典正。

仁宗已簡用公因

召見語軍機大臣朕明日用一極有名入爲山東考官汝等當非意度次日宣

旨○公○名○下○衆○咸○服○

仁○宗○重○公○制○義○故○雖○經○術○如○公○條○奏○地○方○利○弊○如○公○籌○畫○國○計○  
民○生○如○公○終○不○用○公○作○督○撫○以○公○司○天○下○文○衡○幾○三○十○年○蓋○以○  
李○安○溪○竇○東○臬○待○公○然○東○臬○竇○公○中○間○不○無○蹉○跌○

恩○遇○不○如○公○安○溪○李○公○進○位○大○學○士○過○於○公○使○天○再○假○公○數○年○  
亦○必○陟○綸○屏○參○贊○密○勿○方○期○益○資○委○任○遠○爾○奄○逝○誠○如○今○  
天○子○明○詔○之○所○惜○公○既○貴○曾○祖○諱○德○升○

誥○贈○光○祿○大○夫○妣○沈○氏○

誥○贈○一○品○夫○人○本○生○曾○祖○諱○德○謙○

誥○贈○光○祿○大○夫○妣○沈○氏○生○妣○許○氏○皆○

綠野廬則後合集 卷六

六

誥○贈○一○品○夫○人○祖○諱○世○孝○

勅○贈○承○德○郎○晉○光○祿○大○夫○妣○沈○氏○

勅○贈○安○人○晉○一○品○夫○人○配○周○氏○

封○一○品○夫○人○先○公○七○年○卒○子○三○人○長○晏○二○品○廕○生○刑○部○候○補○主○  
事○次○衡○國○學○生○候○補○布○政○司○大○使○出○嗣○皆○周○夫○人○出○次○倍○勤○側○  
室○王○出○孫○男○四○經○輔○生○員○經○炳○經○甸○經○第○公○初○字○經○田○後○欲○易○  
名○夢○神○以○今○名○示○疑○所○出○神○言○不○記○見○龍○在○田○天○下○文○明○乎○號○  
秋○農○及○營○墓○田○號○梅○漪○莊○因○稱○梅○漪○老○人○性○恭○儉○平○生○行○必○踐○  
言○衣○服○未○嘗○鮮○好○待○人○嘗○無○所○忤○人○亦○不○敢○干○以○非○義○於○書○無○  
所○不○讀○學○宗○程○朱○嘗○言○五○伐○後○人○道○不○至○陵○夷○者○宋○儒○之○力○著○

制義外著易原一卷。春秋日月表五卷。說文聲系三十卷。說文考異三十卷。古音諧八卷。四聲易知錄四卷。後漢郡國志校補一卷。廣陵事略七卷。邃雅堂集四卷。詩二卷。賦一卷。進

御集二卷。四子義一卷。旁及天文五行雜占醫經著內經脈法一卷。疑龍撼龍經註二卷。相宅一卷。皆藏於家。夫文章之遇合難矣。遇而得供奉。

內廷從容侍。

天子翰墨之娛。外而育秀掄才。舉一世之文。復之於古。可不謂儒者不世之遭。公少困躓場屋。多年卒以天下第一人受。

三朝厚恩。上封祖父。下贍子孫。蓋太夫人所謂留地建一品坊。

綠野齋前後合集

卷六

九

者以公卜也。公於斯文。可以無憾。銘曰。會稽之嵯峨兮。錢塘之澎湃兮。實生公兮。公之著作與江山以俱永兮。

國史體裁寓以古法

周芸皋

班馬格律燕許鴻裁

王霞九

臚舉事實萬言不能終也。文舉李竇二公作陪姚公之經術。文章自見先生善用虛筆於此亦見。

莊年

誥授資政大夫內閣學士兼禮部侍郎鴻臚寺卿聲甫龔公墓

誌銘

余已巳會試同年友龔聲甫之亡。余由臺灣道陞陝西按察使。過海後始知舟抵杭。其子淦以書與狀來乞銘。且曰先君子臨終諭懇至再三。嗚呼聲甫交好半京師。而獨於數千里外。求余誌其墓。以余知其志也。初聲甫官翰林。與浙江戚蓉臺以名節相砥礪。蓉臺講程朱之學。聲甫不事講學。惟任質行。聲甫或不道蓉臺。蓉臺則逢人必稱聲甫。然蓉臺以翰詹侍從之臣。經濟無所表見。聲甫由翰林轉科道。志在建言。嘗謂人臣幸遇昌言不諱之。

綠野齋前後合集

卷六

三

朝職列司諫。隱默苟容固非。毛舉細故以瀆

宸聽亦與

國事奚濟。故其有所言必斟酌。州縣地方可行行之。無滋流弊。○王○云○此○一○事

乃言如條陳民間地畝過糧。民以為便。其一端也。盛京為我

朝根本之地。○是○聲○甫○云

高宗聖訓奕世宜巡視周歷。敢阻撓者誅。亟勿赦。嘉慶戊寅。○生○大○節○故○特○詳○之

仁宗已定議。北巡首輔松公筠以阻撓降責。且舉。

高宗聖訓宣示中外。而聲甫之摺入留中。不報。逾日。

仁宗諭竟有膽大包天之徒。以身試法。姑從寬免。次年己卯。

欽點河南正考官余嘗與蓉臺論。

本朝之待諫官一洗勝國廷杖之陋如聲甫之味  
祖制違

明詔不惟當時優容尋復

恩予試差此非獨作臣子敢言之氣

先帝盛德之寬大度越今古實非唐虞三代以後之人主所能

及也聲甫事

君以忠事親以孝蓉臺迎養太夫人於京寓聲甫封翁太夫人

不樂就養使其妻子居家服事隻身宦京自奉人所不堪聞太

夫人疾禱城隍神願減已算益親年道光壬午封翁卒乙酉太

夫人卒皆星馳回籍哀毀盡禮戊子余見聲甫於金陵已丑再

綠野齋前後合集 卷六

見於京時蓉臺以丁太夫人憂居杭守制忽傳其死聲甫頓足

失聲今甫逾六年而聲甫亦亡矣悲夫蓉臺抱可以用大用之才

官至翰林院侍讀學士聲甫由給事中洊陞至內閣學士兼禮

部侍郎幾乎大用矣乃緣武闈事降補鴻臚寺正卿使天假之

年必能再膺

聖主之眷遽爾殞謝豈非其命耶按聲甫諱鏜字屏侯號聲甫

先世由江西遷江蘇常州府世居新塘鄉之賢德里曾祖諱某

祖諱某考諱某皆

贈資政大夫曾祖妣陸祖妣王妣陸皆

贈太夫人原配夫人周繼盛繼劉繼張子一女一子淦張夫人

出女盛夫人出適直隸三河生員郝藝山生於乾隆四十七年  
四月二十日卒於道光十三年八月二十七日享年五十有四  
聲甫生平有膽識主試河南時河決馬營壩渡口流急如箭居  
民曰已數日無人渡聲甫命渡甫及岸船敗毫不置意中及臨  
終命家人扶坐精神不亂目光四射如其平時惟嘆無以答  
高厚而已嗟乎知聲甫者莫如蓉臺蓉臺如在當不以余之誌  
爲毫有溢美也聲甫未卒之前張夫人於是年正月先卒卜於  
道光某年某月合葬於陳灣山之新塋銘曰  
陳灣之水白石磷磷陳灣之塋翠柏森森是爲聲甫之墳

有體有要寫得奕奕如生自是君身有仙骨

王霞九

公墓誌銘

誥授資政大夫兵部侍郎兼都察院右副都御史雲南巡撫何道光十八年夏余由陝西按察使陞雲南布政使秋七月抵任始得知原任雲南巡撫何公諱煊卒於十七年三月二十八日距生於乾隆三十九年十一月初五日享年六十有四鹽法道王霞九狀公之行公之子增傑致書乞余銘公之幽惜余至滇晚未得與公一相見也蓋公之捐館舍已踰年矣初嘉慶己巳公與余同成進士余官中書公由翰林院庶吉士改兵部主事非歲時公會不相往來然聞公在職方司有聲如江督叅奏漕弁夾帶私鹽部議礮職百餘員公行查船丁食鹽區爲分別大綠野齋則後人集

卷六

三

半得邀開復其一事也道光改元遷員外郎再遷車駕司郎中充壬午

恩科禮闈同考官京察一等

授福建汀州府知府汀據閩之上游西南與江西粵東接壤深山僻徑匪徒出沒其間有奉

旨嚴拏巨盜歷數任不能得公下車擒獲置之法一郡肅然長汀縣令某因事赴鄉爲鄉民所困闔邑洶洶公不爲動親書曉諭衆立解散遂捕治其魁自是汀民不敢與官抗大吏奇公之能調福州福爲省會治績尤著兼署鹽法道適己奉

命擢貴州貴西道閩督以閩鹺疲滯非公不能整頓奏請調補



得

旨俞允。鹺務為之一清。余於十三年赴臺灣。道任至福省。福汀兩郡之人士。猶頌公之德不衰。越一歲擢廣西按察使。丁太夫人憂。服闋授雲南按察使。越二載陞山西布政使。未至調陝西。護理巡撫陝屬倉庫。充實惟發典生息銀兩。移用久漸成虧。公提取發領狀存案備稽。其弊頓除。余曾署陝藩。嘗謂屬吏子為天子守財。幸遇一完全之區。斷不容稍開漏卮。蓋師公之遺意也。公精明渾厚。陳臬滇時。疑獄多所平反。癸巳地震。復捐廉撫恤民忘其災。

綠野齋則後集 卷六

五

上以公熟於滇省情形。特授公雲南巡撫。公感激圖報。滇地夷人素稱安分。因漢奸重利盤剝。激成事端。公飭地方官驅懲邊防。以靖滇水。下流瀦為海口。環繞昆明。昆陽呈貢等數州縣境。匯納灌輸。關於農田水利。源長數百里。沙石推徙易淤。向例十年一修。必先築壩。公特於川字河建立石閘。啓閉以資蓄洩。今節相伊公莘農中丞顏公魯輿議濬六河。使余與糧道司其事。所以免築壩之費者。則得於公建石閘之力。嗟乎。以公之心存君國。孜孜圖治。使再加公數年。其大有造於滇者。當不止是。天何遽奪公之速也。悲夫。余之同譜二百四十人。前後三十年間。病廢死亡者十有七八矣。幸而存者多。屈抑下僚。能致位通顯。

問。王方之。之意。

王云。一。路。教。述。功。業。加。此。一。段。有。播。首。

者十無一二矣。其列官京師者，無論外，惟麟見亭督南河而公。開府今公，又歿，悵科運之否，塞殆不勝。故交零落之感焉。按狀公原名炳，字允彪，號寅士。先世由浦江遷蕭山。曾祖諱錫宗，祖諱灝，考諱楷，皆以公貴。

累贈通奉大夫曾祖妣氏盛，祖妣氏黃，妣氏陳，均

累贈夫人。公少孤，事太夫人以孝聞。與兄弟友睦，嘗館於山村小菴。四顧荒寂，眾數相驚。公坦然，一夕聞剝啄聲，則一青衣麗婦入曰：夫久出，今忽得書，不識字，來請先生教。公叱之曰：村中豈無識字人，何必乘夜求我。宜速去。婦慚而出。蓋公之不欺暗室，器量固已偉然矣。夫人陸氏，丈夫子二，長增傑，太學生，候選。

綠野齋則後合集

卷六

五

鹽運司提舉次塲女子二，長適同邑太學生湯文，次字湖北沙市通判陸君恩，絨子側室李氏出。孫男一，福銘，孫女三，以某年某月某日葬公於某圩，乃係之銘曰：

蕭山之峯，嶂壁巍巍。鍾公之靈，蕭山之野。原田晦晦，作公之宅。念古來之將相，同百年之過客。惟勳業之在天壤，奕世猶過。邱隴而感嘆其遺跡，嗚呼公乎。俄傾倏忽，判成今昔。公之懿行，視此篆石。

化板爲活情詞悱惻 周芸泉

與六一諸誌銘同一神理 王霞九

誥封奉政大夫金君墓誌銘

翰林院編修金生光杰。余嘉慶戊寅典試湖北。所得士也。道光庚寅夏。以其父

○王○云○天○

誥封奉政大夫行狀致書於余。乞銘。余閱其狀。太息曰。人生有○下○人○情○皆○然○子患不能成立。既成立矣。又患其不能成名。既成名矣。又患其遠別離。至不幸。頓遭大故人。子呼天搶地。匍匐數千里外。悔恨幾不欲生。此古人所以有願子常在膝下。不願子求名之嘆也。按狀。君諱雲章。號倬溪。邑庠生。先世由江右遷楚之黃陂。父諱某。

贈奉政大夫妣潘氏

緣野齋前後合集 卷六

三

贈宜人配徐氏

封宜人。皆以光杰貴。君弱冠。卽教讀里中。不計修脯。後因家計。絀以筆耕。佐食。攜光杰館於漢陽。又館於武昌。性儉素。四十後始著羊皮裘。每為人典去。大寒。祇著緇袍。生徒竊笑。君諭以汝輩不耐寒。我自幼慣耳。光杰之言曰。猶憶漢上冬夜。雪落一尺。餘孤燈熒熒。隱照蘆葦。間讀聲與潮聲。上下皮膚凍皴。吾父猶爲杰口講指畫。斯時杰恨不得博一第。以慰親心。由今思之。此父子聚首傳經極樂之時。可再得哉。又按狀。光杰嘉慶庚辰成進士。用翰林院庶吉士。乞假回里。君喜甚。道光辛巳。君以散館。期近。促光杰至京。壬午。授職編修。君寄書使勿歸。光杰之言曰。

○王○天○真○地○人○書○  
吾父於癸未冬命兒婦挈兒女北上自抱次孫行二日程臨岐  
以目送孫兒女杰翰林清職吾父旣不就養又不使杰妻孥代  
奉晨昏辛已跪辭之日卽爲永違慈顏之日悠悠不一再省功  
名之誤人竟至此乎光杰之狀君者如此顧君見光杰榮貴已  
經十年天下固有望其子成名而不得見者亦有甫見其子成  
名而遽謝世者嘉慶己巳余兄弟同成進士冬先君卽見背先  
君視君幸不幸何如余兄弟視光杰幸不幸又何如乎嗚乎君  
雖不見光杰亦可含笑於地下矣君生於乾隆乙亥年二月二  
十四日卒於道光庚寅年二月十一日享年七十六歲子二長  
卽光杰次光煦邑庠生孫二國均光杰出國基光煦出以某年

綠野盦別後合集

卷六

七

某月某日葬君於某圩銘曰

是爲君之室旣安且吉君之後必大。大於君之子。

未加余兄弟數語自然情深

周芸皋

議論敘事一片真境融結而成

王霞九

誥授奉直大夫候選布政司經歷星齋葉君墓誌銘

道光丁亥。余吏太湖。期年。上憲有勸民積穀備荒之諭。余集洞庭。東山諸紳富。議儲穀萬石。運副徐君春帆。舉人葉君介澥。首倡上者一千石。其次六百石。其次三百。其下一百。或六十五。甚至三十石而止。數既成。余閱捐簿。繼徐君運副葉君介澥。大書捐穀一千石者曰。

王。云。落。筆。奇。變。  
誥授奉直大夫候選布政經歷葉君星齋時。余固不知君爲何如人也。徐君春帆告余曰。是爲余姻。富而好善。前者嘉慶九年。湖水溢。山田盡淹。沒司牧勸賑。葉君與焉。道光四年。歲又饑。葉君捐粟如前事。聞蒙

綠野齋前後合集

卷六

五

恩紀錄。又曰。東西洞庭山。相距湖心數十里。渡者艱於買舟。余與介澥商之。星齋造巨艚二。設榜人以待渡。又曰。山中有義田。贍族者。舊惟席氏翁氏。近余亦新置葉君。患族衆之多。瀕於貧。危也。謀於介澥。立義田。創具條例。族賴以濟。余聞徐君道君之義。益思見其人。太湖爲三江水利之源。吳淞江承其委。太湖之口門淤塞者二。一爲白浮門。浙江之水所從入。一爲大缺口。北湖之水所從出。皆歸吳淞江。鵬鶚河。山民俗名老鳴港。胥江之下游。東湖之分派也。資灌溉利行舟。可避湖險。亦皆淤塞。已丑冬。余思疏濬。問諸山人。皆曰。功費大。且前屢議之而未成。余以吏太湖久。諸君子之不棄也。乃與徐君春帆力主其事。君既

助巨金自以衰老不能任勞命子運鵬代經始於庚寅之正月告成於五月今

宮保制軍前大中丞雲汀陶公親往勘工上於

朝君與在事諸君皆優敘余亦加陞銜當其時余與諸君黎明起早一餐日暮不遑再食值淋雨衣沾濡不張雨蓋而君之子尤精健凡工次之艱鉅者皆使之往督或憫其勞君之子答曰子代父之任敢憚勞乎時余與君之子聚處既久雖深知君終未嘗一見君也嗟乎士大夫蒞一方治一邑豈能獨有利於民蓋藉縉紳先生之助焉然牧是土者遇賑荒鳩工諸大務或勸之而後應或勸之久而後應或勸之久而不應至迫之而後應

綠野齋則後合集

卷六

三

或迫之而終不應如不待勸而卽應者徐君春帆葉君介疇而外君其一人也余雖未見君余之知君過於見君者矣非余銘之而誰銘按狀君諱國均字紹庭星齋其號也係出宋觀文殿學士諱夢得後初居湖州後徙太湖洞庭東山父諱佐照生三子君爲季嫡妣潘氏繼妣席氏君庶妣何氏出配席氏誥封宜人先君卒子運鵬候選布政使司經歷孫二長鎬次鈺生於乾隆二十五年三月十三日戌時卒於道光十一年七月二十九日戌時壽享七十有二擇於某月某日卜葬於洞庭山之某圩銘曰

君之居兮在洞庭山之陰。惠而喜施與兮。惟君能任佐長官以

利山民兮獲我心。君有子孫兮勉嗣君之德音。

薦煩馭瑣言之媿媿。周芸泉

好義者歿復爲之銘而一往情深宜乎人之樂趣於義也。王震九

綠野齋前後合集

卷六

三

誥授朝議大夫原任福建平潭同知調署臺灣府海防南路理

番同知事

賞戴花翎卽選知府沈君墓誌銘

誥授朝議大夫署臺灣府海防南路理番同知事沈君欽霖道

光十二年秋臺地逆匪張丙等作亂君與守郡城是時福省聞

警巡撫兼署總督魏公元煩調陸路提督馬公濟勝帶兵進剿

十戰皆捷

欽差福州將軍瑚公松額同制府程公祖洛渡臺搜捕餘匪籌辦善後機宜論守城功君得列上薦奉

旨賞戴花翎卽以知府歸部儘先選用十三年秋余由廣東南

綠野齋前後合集

卷六

三

韶連兵備道調補臺灣兵備道十月舟抵安平接見君驚喜交集蓋君余在

內閣時舊友也初君以嘉慶辛酉成進士官中書撰文詞下筆數千言大學士諸公咸倚重庚午典試湖南所得多名士因

失察家丁滋事革職大學士諸公

奏請効力會典館書告成開復原官甫到閣行走旋委署侍讀與余同值情浹洽嘗論作詩賦謂詩尙煩構思不知賦何用思

索爲故閣中同寅無不推尊君之能文者道光二年派充

實錄館詳校官議敘一等四年八月除授福建福州府平潭同知六年五月署邵武府清軍同知九年三月署興化府知府既



卸篆調署臺灣府海防同知君於平潭同知任內乙酉戊子兩  
科皆監試文闈福省官知與不知咸目君爲溫文爾雅儒者也  
及任臺防猝聞張逆等之亂起嘉義不動聲色密檄飛飭所屬  
番弁選精壯屯丁三百人保逆黨率衆窺伺郡垣君督番兵會  
同文武迎敵奮力擊賊生擒林龍陳電等寸磔於市使賊不敢  
越嘉義以南嗚呼何其壯也臺地固稱積亂難治之區自康熙  
間朱一貴倡亂以後叛者十四次士大夫之官斯土者難矣然  
使作吏者盡如君或能先事預防不至於亂卽亂能如君之精  
詳明決亦可卽時殲滅勿煩勞內地大兵悲夫張丙之初起藉  
當日情事口於搶米嘉義令邵用之不知其叛謀被殺死臺灣府呂志恆

綠野齋則後合集 卷六

前往賊已聚至萬人父老攀轅泣留不聽戰死斗六汛縣丞方  
振聲竹城破並妻張氏焚死幼女亦從死幕友沈志勇父子家  
丁江永惠等皆從死武弁自副將而下死者十餘人惟總兵劉  
公廷斌兵敗幸不死保嘉義城亦以憂憤病死君嘗謂余曰方  
事之殷也有死之心無生之志今出萬死一生之中賴  
國家威德妖寇盪平臺地沿海諸省之保障非勵精圖治無以  
久安余方壯君之言而君以積勞已齋志以歿矣君精於吏治  
任平潭時立書院治埔田士民皆悅署興化府時木蘭陂工程  
甫竣開挖涵洞以資灌溉培築土梗以保農田署臺防時裁減  
口費體恤商艱方議改船政謂宜使漁船配穀蒙制軍嘉獎而

君已卒。余皆畧而不詳者。士不遇盤根錯節。不別利器。所以著君生平之大節也。君諱欽霖。字仲亨。一字芝堂。先世自前明太常寺少卿諱漢。遷居於吳江縣城南之水西莊。遂著籍焉。曾祖諱重。祖諱焯。本生祖諱阜。上皆。

賜贈奉政大夫。內閣中書。曾祖妣陸氏。祖妣陸氏。本生祖妣朱氏。皆。

賜贈宜人。考諱宗德。乾隆乙酉舉人。歷任靖江上海縣學教諭。勅授文林郎。

晉贈奉政大夫。內閣中書。妣趙氏。繼妣趙氏。皆勅授孺人。

綠野齋則後合集

卷六

三

晉封宜人。配范恭人。生三子。長祖原。早亡。次慶原。次庚原。先君卒。孫男四人。桂芬。桐。封。柏。年。楣。昌。生於乾隆己丑年九月十六日午時。卒於道光癸巳年十二月十九日子時。壽享六十有五歲。慶原。治君之喪。將歸葬於吳江祖塋之側。來乞銘。余在內閣。知君久。銘之余。宜銘曰。

君生於吳。官於閩。卒於臺。君之卒也。適余其來臺。地郡城。賴君守臺地。善後待君裁。天胡不少留。盡君之才。嗚呼。非斯人之哀而誰哀。

自臺地至齋志。以歿一段言約。而當借題抒慨。無限低徊。而又移置他人。不得方與首段稱。周芸泉。

不死於賊賊平而齋志以歿所慨者深寫死事諸人都爲沈  
君作襯 王霞九

綠野齋前後合集

卷六

三



誥授通奉大夫護理陝西巡撫陝西布政使司布政使唐公神

道碑銘 代英煦齋夫子

○王○云○人○手○書○空○  
今天子卽位不次用人元年湖南長沙府善化縣陶山唐公以候補道擢福建按察使司按察使晉陝西布政使司布政使護理陝西巡撫疏累上皆報可余喜公得大用有自陝來者言公老且病余驚訝三年正月致仕寓金陵七年三月二十二日卒年七十五金陵之人走相弔今年春余承

命勘南河公長子鑑余已巳主試禮部所得士也將卜葬公於山東肥城之陶山捧墓誌乞余銘公之碑余曰嗟乎公余舊學也當乾隆己酉公會館余家甫一月聞訃歸癸丑二月重來榜

綠野齋前後合集 卷六

五

發同成進士余與公蓋友而兼師今公卒屈指弱年師友零落幾無存者何忍不銘公公諱仲冕字六枳父令山東平陰母太夫人卒於官舍相地得陶山故公號陶山公與余以學問相長初以卽用令分發江蘇余以公宿儒或憚於作吏而公循聲大起所知縣曰荆溪曰吳江曰吳縣所知州曰海曰通所署府曰松江曰蘇州嘉慶癸酉推陞福建福州府督撫謂公不可去江南奏請以道員留一署河庫道兩署按察使司按察使終陝西布政使司布政使公之卒海州之民尤哀悼具事狀請祀於名宦祠余按其狀曰州疲邑也鄰山東鄒沂境曳刀手倚羽山爲巢公殲其魁餘驚潰惟公能除暴再曰州濱海隩區高公島鷹

游門奸宄多出沒。公巡洋遇颶風無懼色。惟公能靖氛。再曰。州之試附淮安府。往來維艱。公創石室書院。親愛讀言於學使者。歲按臨。卽石室爲試院。士競奮。惟公能振文風。再曰。州之城不通舟楫。米薪無市。公鑿渠自新浦口達東門。長千餘丈。民呼爲唐公河。惟公能盡水利。敢具狀以請。松江之士大夫亦有謂余者曰。往者總督張公百齡檄公濬吳淞江。公議曰。江之淤由海潮挾沙疏來源。除內壅修牾壩。不大舉者不永逸。時以費絀不能盡用。自前年冬。今中丞陶公重濬。費巨萬。使當時盡用公議。今雖無濬可也。公自進士起家至大吏。中間遇陞擢送部引見。必至余家言民之戚。若疾痛之在身。惜居陝僅一年。三護巡

綠野齋前後合集 卷六

美

撫未竟公之志。然江南之思公深矣。公生平不廢書著作。作宏富。海內學者未謀面。必尊曰陶山先生。蘇之人士至繪公像刻石。滄浪亭以繼歐蘇。余與公詩札往來如山。余曾爲公撰岱覽序。遺編猶在手。迴憶三十年間。忽忽若往日。事蓋不勝羊曇華屋之痛。余旣重鑑請書公之碑。公三代

誥贈諱氏。取某氏子。幾人孫。幾人凡。誌於墓者。鑑之外不復著。重知公寫余思也。鑑翰林院檢討。浙江道監察御史。廣西平樂府知府。有學行。嗚呼。公未竟之志。將有待於鑑銘曰。巍巍衡嶽。實產唐公。自南徂北。惟余之從。公宦吳邦。雨膏風仁。愿有多年。父母我民。

天子曰吁。聞汝材美。承宣秦雍。公則老矣。連珠綴玉。惠我以詩。人之云亡。悠悠我思。卜吉於陶。以從厥母。勒詞瑱珉。永示公後。

約束有法。雍容合度。周芸皋

神似廬陵。法叅昌黎。王霞九

綠野齋前後合集

卷六

七



輒時祖刻。法叅昌黎。王霞九

天子曰吁。聞汝材美。承宣秦雍。公則老矣。連珠綴玉。惠我以詩。人之云亡。悠悠我思。卜吉於陶。以從厥母。勒詞瑱珉。永示公後。

誥贈奉政大夫朱君暨聘貞女汪宜人合葬墓誌銘

翺嘉慶丁卯鄉試座主朱蘭坡先生卜吉於道光十六年十月十七日遷葬其嗣考妣於蘇州盤門外界屬吳縣一都十八圖北大字圩以書來乞銘且曰葬在異地藏幽之文尤不可缺按狀君諱安桂號崑山涇之張香都人先世居婺源與徽國文公同派遷涇者爲中孚公傳二十三世至君曾祖諱文綸祖諱武勳嘉慶間奉

旨崇祀鄉賢以蘭坡先生兄中丞公理官山東布政使

貤贈通奉大夫曾祖妣胡氏祖妣汪氏

贈夫人考諱慶雷舉鄉飲賓

綠野齋前後合集

卷六

三

誥贈資政大夫貴州巡撫妣胡氏

贈夫人君以勤學遘瘵疾卒於乾隆庚辰年十一月二十七日距生於乾隆壬戌年八月十六日年才十九是時君所聘汪宜人年十六以貧故養君家未成婚哀痛服斬衰宜人母聞之驚急議特歸宜人泣曰兒旣入門死此耳歸將安之旣免喪彌自戢閨門內女之成婦者不接談初議後無可立閱九年始以夫叔兄殿之公次子琦爲嗣卽蘭坡先生宜人雖甚愛嗣子而督學不少寬年終解館尙令陳冊鏡下溫盡卷蘭坡先生嘗繪爲霜帷課讀圖嘉慶壬戌先生成進士官翰林院編修屢轉至侍講緣事仍授編修遷右春坊右贊善遇

覃恩贈考奉直大夫晉奉政大夫

封母氏為宜人京師士大夫詩歌成帙曰闡貞集大都悲贈君

之青年不祿而太息宜人守節之奇也昔歸震川著貞女論謂

女子不能以身許人未嫁而夫死宜他適或死或守皆非禮安

邱孫立菴駁之曰禮女子十五許嫁笄而字父母之命媒灼之

言身之有所屬已久以其未嫁也故不妨他適以許其嫁身有

所屬也故可以死可以守桐城方望溪曰節孝之過中者自漢

以降始有三代未之聞三代道教民而人皆知夫義之所止後

世人道衰薄天地之性有所壅遏不流其鬱而鍾於一二人者

往往發為絕特之行以矯枉扶衰翺嘗持此議傳吾鄉沂水高

綠野齋前後合集

卷六

堯

氏貞女比之市井草莽雖未為臣國破君亡死而彌烈此事之

變而中禮者雖聖人復起不能易也宜人事姑婉而順待親串

篤而厚御婢媪肅而寬故一家無不敬宜人先生受業師歿市

樽脆薄不堪用宜人自蓄美檣材其子求假先生未敢應宜人

曰師豈他人比急命昇去此亦人情所難而闡貞集概不及之

者宜人冰霜之姿松竹之操業已貫幽明質鬼神矣則闡德之

常不復為宜人重先生既貴迎養宜人於京邸四年戊辰南旋

道光壬午秋先生供奉

內廷聞宜人病陳情具奏蒙

恩允准倍道奔里而宜人已卒於八月十四日距生於乾隆乙



丑年七月二十四日壽七十有八蓋贈君之卒六十二年矣先生痛悔自責服闋後不復再出嗚呼是在蠱之上九先生所以薰沐宜人○之德○宜人○所以教子植品立行者已可概見孫男五○夢元監生鼎元○壬辰科舉人蔚元○邑庠生起元○優貢生葆元○候選從九品孫女四○曾孫男八○應坊有基維垣之埽步墀爾堪小同如圭○曾孫女九人元孫一肖曾所葬之地本名朱田莊與姓合河口橋曰新安橋朱原出新安其殆有夙緣與銘曰○哀昊天之不弔兮傷君之夭折抑君有未娶之德配兮成閨門之奇節○譬荆山之美玉兮抱璞含真而白潔生不得同室兮死同穴山則清兮水則冽山水有時變遷兮銘不滅

綠野齋後合集

卷六

四

議論平允行文變化 自記

蘭坡先生來書云中間推闡 先宜人貞節議論正大歿存均感

是題極難落筆專書節母則畧贈君而贈君又無事可書故於節母之貞守教子以表之而贈君自在中一段非泛泛著

筆也

周芸臬

格律謹嚴有功名教中幅尤煙雨迷離 王霞九

女子未嫁夫死守義前人立論不一存此文以勵未俗 莊年

節母韓母陳孺人墓誌銘

吾邑韓子通儒之母陳孺人既亡六年。來京告余曰。吾父卒後。吾母孀居三十八年。棄養樂陵賈良山爲作傳。銘幽之文尙缺。敢以乞吾子。余少失恃。長與通儒同硯席。竊見其寡母孤兒相依爲命。輒不禁悵。觸欲涕。今通儒亦爲無母人矣。悲夫。乃約舉其狀而銘之。通儒生三歲卽孤。時王父太初公已前歿。逾年王母又卒。孺人之所以事舅姑者。通儒未逮見。然嘗聞諸李氏姑。云舅將終。患飯室。家人進食。輒輦。感磨去。孺人進。則合置几上。曰媳姑退。吾將食矣。蓋不忍傷孺人意也。通儒曰。吾母未嘗以是語余也。竊聞之云爾。後攜通儒歸依母家。母病痰喘。冬尤甚。

綠野齋後合集

卷六

聖

孺人夜半卽起作羹。睡覺進食。始安寢。數年如一日。通儒曰。此

○李○云○點○筆○輦○馬○

○輦○馬○

○李○云○點○筆○輦○馬○

余之所親見也。信也。孺人之克孝於舅姑也。通儒弱齡。孺人口

授經。旣游庠。勗以績學植行。不令鄉試。曰。吾福薄。願兒不離膝下。不願兒進取也。通儒由是罷舉。余時在家聞之。謂寡母不離子。常情耳。歲庚午。邑人將爲請。

旌。孺人曰。夫歿時。吾年已逾三十。何節之可旌。如更改年月。吾不安也。邑人太息而罷。吾由是嘆。孺人之不近名也。宜其不令子進取也。世俗所視爲顯揚者。孺人視之無有也。嗚呼。賢矣。孺人。

贈儒林郎諱洪之女。年十七歸通儒之父處士公堂。生於乾隆

癸亥年五月二十三日卒於嘉慶戊寅年八月初八日壽享七十有六子一人通儒縣學生孫男四人念忠念信念敬念讓孫女四人曾孫男二人銘曰  
祝。鳩。不。言。孝。蒼。松。不。言。節。此。吾。素。友。隱。君。子。通。儒。之。母。質。以。銘。之。永。不。朽。

簡淡有高致 陳其山

筆意以縮爲縱彌淡彌永 聞雨帆

酷似半山 李方赤

實處用虛筆寫而歸重不近名一層筆甚高妙 莊年

綠野齋前後合集

卷六

聖

勅封安人陳安人四姊墓誌銘

悲夫余四姊

勅封安人陳安人當六旬設帨時余丞太湖爲之敘製錦祝其  
壽至古稀余必歸家率子媳孫婦稱觴而不意其忽焉以歿也  
今年秋余在臺灣道任從署福守陳翔千書聞姊凶耗哀悼減  
食累月猶疑福省去淮七千里或傳言之訛及余晉陝西司臬  
渡海次水口驛得家書乃知非訛也真也悲夫余世父遺體八  
人自嘉慶辛未至道光癸巳前後二十三年相繼殂謝者七余  
以宦遊之故不得憑其棺臨其穴惟姊與余再相見余竊比姊  
以剝盡不食碩果今姊亡世父之子女無一存矣姊雖女子有

綠野齋前後合集

卷六

聖

識見余兄弟多由科甲出身姊獨偉視余曰不知何故吾愛弟  
總覺弟不凡已丑余因太湖卓異北上過里門姊飲余酒余戲  
言數年作官貧猶昔耳姊答以弟愛財何能自援臨別淚潄潄  
下嘆息年邁多病後晤難期余悵然意謂何至如此豈姊有先  
見與嗟乎人生以知已爲貴卽家人亦然自念生平寡交游少  
無膠漆有氣力者推譽坎珂潦倒半百始稍稍知名於世雖至  
親骨肉猶或以世俗里巷之私情相諒古人云家人中有朋友  
在蓋知余者惟姊一人而已初姊欲以長孫女妻余長孫長慶  
不果諧後妻以次孫女約至十九歲完姻余在臺遣長孫自海  
外歸娶寄姊書一切不周不備之事統歸於姊而姊已前逝矣

姊生於乾隆三十六年某月某日。卒於道光十六年某月某日。享年六十有七。不爲不壽。特以余之未獲一見爲訣。爲憾也。生子女各一。子華峯。邑庠生。女適田氏。妾生女一。許郭氏。孫男二。女二。一適丁氏。卒。一爲余孫婦。嗚呼。姊之事舅姑。相夫子和妯娌。厚親戚。余於姊壽序中畧具矣。故第述姊弟之情。以寄痛焉。

銘曰。

嗚呼姊兮。竟與世而棄捐。念余爲名場羈滯兮。判南北各一天。憶昔余自京師旋歸兮。定子女之姻緣。中間再拜姊於堂上兮。許屈指已六年。不意余調監司於臺陽兮。望大海洪洞之無邊。離鄉關一萬里兮。雁書隔絕而不傳。忽聞姊之赴瑤池兮。猶疑綠野壺前後合集。卷六。罌。

信其未。然恨。夢魂之。驚覺兮。恍惚覩華顏於生前。嗚呼他年余回家祭掃兮。望姊之邱封。壠樹灑淚於重泉。

以文代哭一字一淚著此使後世知此人耳

自記

慷慨有餘哀

王霞九

誥封恭人張恭人墓誌銘

道光十三年秋。余由廣東南韶連道調臺灣道。時張丙之亂甫平。候補知縣以同知直隸州陞用。

賞戴藍翎沈君汝瀚。字海如。留辦臺務。次年春。余詳請委署臺

○王○云○榜○諭○駁○浪○奇○情○奇○事○

防廳。其夫人寄寓福省。攜一弱女。買舟廈門。涉八百里。重洋過

金島。下澎湖。進鹿耳。出入於洪波巨浪之中。來臺視海。如余聞

之拍案驚嘆。此女中丈夫也。海如曰。余妻自少不類女。喜讀烈

女傳。謂女不僅酒食是議。生平愛名不愛財。嫁余時。粧奩豐裕。

悉用以供大父母。父母以余承重服。斬衰十二年。上爲余葬。四

親下爲余教養。兩弟季弟卒。遺婦並子女皆歸余妻。余業申韓。

綠野齋前後合集

卷六

聖

余妻謂欲有濟於世。幕不如官。罄其資。援例得知縣。分發福建。令長泰。值臺地張丙亂。制府程公調過臺。余妻謂此功名之會也。不可失。從之。果得保擢。今職制府旋轅後。去年冬。許黷成。又造謠嘉義。妄者以余將與難。動余妻。余妻謂女與壽曰。汝父若死。我與汝安忍獨生。往從汝。父同生死。耳。制府使人止之。不聽。余妻不憚風濤之險。以余之故。海如所述夫人之行。誼如此。逾年。海如因公偕夫人內渡。遺同寅書曰。舟觸石損。幾遭滅頂之凶。余妻毅然。而余恐懼。實甚。真負此筭矣。旣而海如補永春直隸州。以辦軍需。報銷加知府銜。復以獲洋盜巨魁曾武等。不論繁簡。以知府儘先補用。方期與夫人同富貴。而夫人忽無祿。卽

世今年冬。余自臺赴陝西臬司任。道出泉州。適海如署。泉守乞  
余誌夫人之墓。且泣曰。是更患難捨命不渝者。使後世知女子  
中有此人也。按夫人姓張氏。世居江西南昌。十七歲歸海。如以  
夫官。

封恭人。生於乾隆甲辰九月十八日。卒於道光丙申七月二十  
八日。享年五十有三。生一女。許聘原任固原州熊公之潛第三  
子。無丈夫子。以夫弟之子興謀爲嗣。期於明年擇日歸葬祖塋。  
嗚呼。夫人之助海如者大矣。余尤偉其渡海之事故序之。特詳  
銘曰。

南昌故郡有奇女。英姿恥同閨閣伍。嫁得才士均甘苦。夫壻臺

綠野齋則後合集 卷六

巽

陽留鞫獄。買舟往尋色。不沮視浮滄。溟如平土海。風吹袂飄飄。  
舉雪浪。翻空助笑語。意氣潛動鮫人舞。巾幘驚駭我。獨許可惜  
年華天不與。應是瑤宮覓仙侶。生平大義約可述。無以仿之求  
諸古。

畧足爲奇女寫照 自記

航海赴難巾幘中烈丈夫 王霞九

誥封夫人梁夫人墓誌銘

梁茵林先生夫人之卒也。先生痛之甚。告余曰：死者不可復生。吾非徒作無益之悲。顧念夫人相余三十八年。自食貧至通顯。黽勉同心。有使余哀思不能置者。憶余嘉慶辛酉春闈報罷。留京補教習。時吾父挈眷赴甯化司鐸任。夫人適身孕長女不克行。以一媪一婢家居。易衣而食。數米以炊。無何並婢亦遣去。嘗周云刻書人細爲余述分身之夕。風雨蕭然。媪出呼穩婆房中。更無他人。一燈熒熒。了不知怯。至今思之。情形如在目前也。壬戌余成進士。入翰林。報至家。夫人始有喜色。旋遭吾父大故。銜哀以待。余歸。余離家已四年。與夫人相見於苦塊中。瘡痛幾不欲生。因家計窘。服闋不克葬。親友多勸出山。余微窺夫人意。夫人曰：葬親。人子終天大事。仕宦自有時耳。余筆耕蓄館。金逾十年。至辛未。乃能卜吉。遂有誓墓終焉之想。夫人曰：親教子以成名也。君子職盡。可以出而仕矣。余感其言。北上官部。曹凡九年。道光壬午。出守荊州。遷淮海道。甲申冬。權臬吳門。長子隨侍。夫人仍居道署。洪澤湖盛漲。高堰決。合境倉皇。一值轅軍校啓。曰：署後有一大舟。可出避。僉謂事急宜從。其請夫人作色諭之。曰：此時遍地皆水。無舟者多。我舟能保獨完乎？萬一有他故。奈何？且吾夫與吾子已免。吾又何求？時袁浦自帥垣。以下各官解眷屬。皆有登舟之議。因探聞夫人之言。莫敢先發。頃之水南注。議遂息。余擢山左。



臬司旋擢江蘇藩司。辛卯秋，江北大水流，民就食於蘇者，日以萬計。余與守令議，資送留養，計資送六十餘萬人，無歸者尙四萬餘人。時已迫冬，夫人出篋中金，並縮減子女衣食，費製棉襖袴數千件，施散。余謂夫人好善，夫人曰：「女子不豫外事，此皆君廉俸之所餘也。吾何善之有焉？」故吳中刻辦理流民事，畧以製衣列余名下。余素有眩暈疾，因積勞加劇，時方行巡撫事，擬專疏陳請開缺。夫人曰：「宦情淡薄，君之素志也。况實病乎？」吾先歸待君，及余得。

旨恩允時，夫人甫抵浦城，竟得同舟歸里。嗚呼！孰知留此爲今日面決之緣乎！凡此皆吾夫人始終懿行之大者，乞子爲之銘。

綠野齋則後合集

卷六

果

稍釋余之痛焉。余按夫人姓鄭氏，考諱光策，福州庚子進士。自幼教督嚴，故夫人明大義。敦詩說禮，十八歸先生，以先生官得

壘膺

誥命爲夫人。生男五人，長逢辰，道光己酉科舉人，內閣中書委署侍讀。次丁辰，次恭辰，皆國學生。次映辰，次敬辰，生女四人，皆適名族。孫男三人，自逢辰出者，自丁辰出者，僑自恭辰出者。佳生於乾隆己亥年三月初四日酉時，卒於道光癸巳年五月二十六日戌時，享年五十有五。葬西郊外姚岐山之陽。從舅姑也。銘曰。

憶昔同車赴天台，金玉綺羅換荆釵。忽爾養疴棄官迴，躬耕霸

陵翦蒿萊。吁嗟春夢鸞鏡開。孟光已去梁鴻衰。千秋明月照蒼苔。

簡潔勝原狀遠甚

周芸皋

綠野齋而後合集

卷六

晁



誥授恭人例晉夫人錢夫人墓誌銘

余同年友廬陵王霞九繼室錢夫人之亡。余撫閩。壬寅三月。霞九以書來。余還書唁弔。未至。逾六月。霞九復以書來。且謂與余同官滇南時。陳余綠野齋古文集案頭。夫人每一繙閱。輒復歎誦。雖連城夜光。共識奇寶。而此景此情。不堪回首。謹以行畧。祈矜而賜之誌銘。使長逝者得託以垂不朽。則贈芳感鑄。無極嗟乎。余之文。不惟霞九愛之。並夫人亦愛之。余何能不銘。乃約舉行畧。一二事。序曰。夫人錢氏。世爲浙江名族。霞九宦京。元配劉夫人。卒。娶爲繼室。時姑太夫人里居。亟請迎養。不得命。嘉慶己卯。霞九典試閩。太夫人訃音至京。夫人哀悸成疾。年甫三十齒。遂落。霞九偕歸。營殯。葬終身。以不得逮。事爲憾。迎事前。室母如其母。前室母苦節無子。操行不受。人憐。惟夫人歲時饋遺。弗却。夫人之亡。前室母哭無時。淚爲之枯。使夫人逮。事姑。其克孝不問而知也。夫人丈夫子三。長其淦。娶李氏。江蘇。卽補知府。李君正鼎。女次其澗。聘錢氏。甘肅。甘涼道。錢君廷熊。女皆側室。高氏出次。其灑。未聘。夫人出。女子七。長適候選光祿寺署正。歐陽煦。次適拔貢陳文濟。皆前室。劉夫人出。次字于端坊。未嫁。次字庠。生程鼎芬。皆夫人出。餘俱幼。側室高氏出。夫人愛前室女尤篤。庶出子女。與已出子女。無異視。用度出納。悉令長子手籍。不私蓄一錢。曰。無令三子有肥瘠也。夫天下無不慈之母。然而繼

母。嫡。母。之。慈。往。往。分。有。餘。而。情。不。足。也。內。子。在。滇。與。夫。人。往。來。見。其。子。女。依。依。膝。下。均。平。專。一。稱。爲。難。得。如。果。皆。夫。人。所。出。又。何。難。得。之。有。乎。嗚。呼。是。二。者。夫。人。孝。慈。之。義。備。矣。其。他。勤。儉。敦。厚。佐。霞。九。內。治。者。皆。可。畧。也。夫。人。以。霞。九。官。編。修。

封安人官雲南鹽法道

封恭人權雲南按察使加三級階通奉大夫

例晉夫人生於乾隆五十五年庚戌十一月初九日亥時卒於道光二十一年辛丑十月三十日未時年五十有二以壬寅年某月某日安厝于河源龍潭悲夫夫人工翰墨詩章才名久著矣固知愛余文者銘曰

綠野齋別後合集卷六

至

浩浩者何莊生岳脈脈者何萊婦語廿年偕宦共甘苦不藉賣珠把茅補前室有母代作女瑤華一謝泣如雨異腹孩提均乳哺鳴鳩詩詞義深古於以銘之斷章取

王霞九覆書云承惠撰拙荆誌銘大筆淋漓情文並至結體固自嚴密而敘事緊從繼室著筆約而能賅悠然不盡遂爲至文蓋非必其人之足傳而閣下之文則卓卓可傳文卓卓可傳而其人亦必因之以傳三復斯文向之悄然而悲者而今乃快然無遺憾其爲感鑄何可言罄

處士郭君墓誌銘

余姊丈郭界封之將終也。伏枕力疾。手書寄閩。乞余銘。余閱之。泣涕不能再視也。嗟乎。余半生羈縛名場。藩溟時家。置黃葉樓。將歸休。與君往來優游。以娛暮年。今無可說矣。昔人有言。旣爲君。悲行亦自念也。余何忍銘君。然君來書。諄諄囑余。姊恨不得與余相見。且謂余必不使君淹沒於後世。是知君者。莫余若也。余又何能不銘君。君諱壘。號界。封幼失母。事父孝。事繼母無間。言與兄友愛。撫異母弟極厚。修埜植樹。凡事之關於祖宗者。君無不經畫也。凡親戚析箸。田產多寡。分爭。君無不解惑也。淮邑賑荒。歎治橋道。更新廟宇。寺院。君無不勸成也。余姊歸君五十。綠野齋別後合集 卷六

年矣。余兄弟與君如一家。余之子姪亦視姑丈如伯叔。父余家。租宅燬於火。賴君爲繕完。後余家創建先祠。君朝夕督工。見之者謂君何獨厚於妻族。余自通籍。與君別歲數。接君函。君與姊一視余於京官。任所再視余於陝西臬司。任所余擢福建巡撫。道出山東。君候余泰山側。余感激爲君稽首。嗟乎。余情所不能解者。兩兄一姊戚友。惟君甲申長兄。漢儀棄世時。時隱痛尙幸。仲兄時齋與君無恙也。去年時齋故。余心氣始不能支矣。今君又亡。老淚可頻揮耶。悲夫。悲夫。是未易一二爲外人道也。余姊知之而已矣。君生丈夫子二。長錫榮。娶于氏。次錫章。娶陳氏。女子四。皆適名族。孫四。某某錫榮出。某某錫章出。生於某年某月。

某日卒於某年某月某日享年若干歲葬於某原之某阡嗚呼  
道光丁酉君求余爲父文學肇謨公傳曾幾何時乃執筆以銘  
君也

銘曰閩海萬里通維陽關山迢遞不可望秋老風高白鶴翔聞  
君跨入白雲鄉阿姊鬢髮老似霜一家倏忽變滄桑白狼河水  
清洋洋此恨與之誰短長

哀音促絃讀之難爲情耳 自記

例贈孺人蔡母許太孺人墓誌銘

澎湖蔡舉人廷蘭之母例

贈孺人許太孺人卒於道光二十一年辛丑四月二十五日卯時。距生於乾隆二十九年甲申正月二十一日亥時。享年七十有八。與。

贈文林郎慎齋公合葬有日矣。廷蘭余及門。以行狀乞銘。先是道光乙未。廷蘭秋試報罷。渡海遭颶。風舟沒而復起。飄蕩十晝夜。抵安南。當其死。生懸於須臾之交。富貴功名妻孥之念。盡捐。惟叫號無以報母氏。既歸。拜太孺人於堂下。驚定如同。再世夫人窮則呼父母。及安常履順。則或忘之矣。廷蘭自安南歸。甫於。

綠野齋前後合集

卷六

五

丁酉領鄉薦。未及第。而太孺人謝世矣。宜其狀太孺人之行。抱昊天罔極之痛也。廷蘭之狀曰。吾母十七歸吾父。丈夫子五人。長廷嘉。先卒。娶呂氏。生繼英。次廷緣。娶吳氏。生繼璜。繼瑋。次廷芝。娶陳氏。生繼搏。繼升。繼蔚。繼才。次卽廷蘭。娶許氏。生繼蜚。季廷揚。娶歐氏。生繼慶。繼善。女子二。一適葉氏。一適翁氏。吾母育五子二女。撫十一孫。劬勞極矣。廷蘭述之心悲也。再則曰。吾母孝順勤儉。所以佐吾父事。吾王母者。廷蘭不能悉狀也。吾師代爲潤色焉。余持其狀。謂之曰。太孺人行之傳。不傳不在於狀也。澎湖居臺陽鷺門之間。民不耕田。卽業操舟捕魚。詩書絃誦之聲不聞。間有力學者。文藝亦不能與內地才華之士併。况其上。

焉者乎。今。生。品。學。爲。臺。澎。人。士。之。冠。則。太。孺。人。遵。慎。齋。公。之。遺。訓。所。以。督。教。者。可。知。也。歐。母。之。傳。也。以。文。忠。公。畜。道。德。而。能。文。也。無。文。忠。公。後。世。不。傳。其。畫。荻。之。事。也。太。孺。人。之。傳。是。在。生。矣。余。昔。贈。生。越。南。雜。著。序。矣。勗。生。富。文。章。勵。介。節。生。果。始。終。如。余。之。所。期。則。太。孺。人。傳。矣。生。欲。傳。母。慎。忽。忘。滄。溟。遇。險。時。也。

銘曰。澎。島。矗。矗。立。海。洋。蔡。生。祖。居。水。一。方。家。有。慈。母。賢。且。良。代。夫。教。子。有。義。方。子。能。克。家。家。之。祥。席。珍。抱。璞。觀。國。光。於。以。誌。之。賦。短。章。

不。據。拾。實。事。而。真。體。現。於。雲。烟。中。可。以。動。人。子。之。心。勵。人。子。之。氣。

自記



誥授中憲大夫工部屯田司主事陳君墓表

道光十五年春。余在臺灣道任所。陳子其山之訃音至。不禁痛

王云云哀怨悲淡如泣楚辭山鬼之章

悼泣涕欲絕也。曰嗚呼。吾友亡矣。吾將何歸矣。歐陽子曰。詩人少達而多窮。非詩之能窮人。殆窮者而後工。余曩居京師。序江西曾子崑圃制義。謂窮而後工者。不獨詩如陳子。其山之工古文。中年亦嘗從事羊城。奔走糊口於荒徼。遊歷名山大川。以抒發其奇。是從困苦中來也。然當時余三人同官。中書特以寄一官。冷落鬱鬱。不得志之感。而不意陳子竟窮以終身也。豈詩文果能窮人耶。抑升沉顯晦之數。天惟聽人之自值。而君適值其窮耶。君諱運鎮。號其山。湖北孝感縣人。嘉慶甲子科舉人。己巳

綠野齋則後合集

卷六

美

恩科與余同成進士。情相洽。志相得。文字相切。劇君既爲余評綠野齋制義。付諸梓。余出少作古文詞。相質。君不以爲可。因盡焚棄。肆力左國史記。秦漢唐宋諸家。數年。覺有所得。復拈筆質諸君。君大喜。謬加賞。余數日必成一文。君亦數日必爲余評一文。君嘗謂余曰。余評子之文。余之所學在焉。道光辛巳。余鐫山左時文鈔。復彙選山左古文。亦惟君是正。丙戌春。余選太湖丞。君陞宗人府主政。余留別詩云。文章佳會少。師友故人多。蓋不能忘情於君故也。秋抵任。逾歲丁亥。作暮春感懷詩寄君。有云當君

黎閣開書帙。正我吳江下釣絲。戊子四月。余夢與君論文。晨起

翻閱舊卷。悵然寄君。有云開編如悟三生果。點筆頻驚一字師。是年考試。差余望君得典試南省。過蘇相傾談。而君竟弗得。昔蔣礪堂相國喜薦士。士之爲相國薦者。名公巨卿。遍天下。嘗謂君有守。有爲。迥拔恆流。亟欲薦而不果。夫知而弗薦。與不知何異。是相國名爲知君。猶未知君也。然以君之雄於文。一試差之不能得其他。又何說乎。君爲文。初猶喜藻繪。後乃變而彌上。與道大適。庚寅。余以大計卓異。赴都。君招飲。會子崑圃宅。出其近作一卷。極往復曲折之妙。余笑謂君窮於官。不窮於文。君酣醉微吟。白香山詩云。生前富貴應無分。死後文章合有名。君生平恂恂謙抑。自下至此。不覺露氣岸。悲夫。歐陽子之誌梅聖俞也。

綠野齋前後合集

卷六

卷

悲其官不過五品。壽止五十九。今君工部屯田司主事。官六品。壽止六十一。聖俞窮於詩。君窮於文。後之視君。與今之視聖俞。何異。余與君相交二十五年。余綠野齋文集。經君所手定者。悉仍其舊。蓋鍾子期死。伯牙少知音。死者不可作。生者其將何以爲情。耶。君曾祖諱某。曾祖妣某氏。祖諱某。祖妣某氏。父諱某。妣某氏。

誥贈某官。以某年某月某日。葬君於某原之某圩。配某氏。子二人。長紹治。舉人。次紹涑。

嗚咽之聲出於紙上 自記

因後有引白香山詩句。故前亦載詩。以其稱也。於知己墓表。

專言情韓歐皆然

周芸皋

無限聲情與歐陽梅誌相頡頏

王霞九

感慨悲涼波瀾亦壯

莊年

綠野齋前後合集

卷六

五

誥贈通議大夫趙公墓表

公諱璉。後改連。字商珍。號檢亭。太學生。加捐布政司理問銜。浙江歸安縣人。配聘倪氏。娶葉氏。生子炳言。以進士起家。官刑部主政。

誥贈公奉政大夫。晉朝議大夫。又晉中憲大夫。

誥贈公夫人爲宜人。晉恭人炳言。由部郎出守江蘇松江府。旋調江寧府。陞廣東惠潮嘉兵備道。余自南韶赴臺灣道。任過潮炳言出其祖德記聞一編。乞余表公之墓。余應之。以公務匆遽未遑也。逾年炳言

擢湖南司臬。晉

綠野齋前後合集

卷六

五

贈公通議大夫。公夫人淑人。寄書問余。誤文就否。余乃閱其記聞。嘆炳言之善述公也。公之褒榮寵錫。有自來矣。按記聞。公卜葬祖父母。父母得吉壤。堪輿家以爲不利。長房遂棄置。長兄早卒。事寡嫂謹。撫兄之孤。倍至。與弟終身友愛。姊與夫亡。撫甥至。領鄉薦。甥亡。撫彌甥。又云。公生平用財無記簿。炳言偶問。則曰。若算細賬。則汝喫著不盡。汝宜盡心讀書。毋問此夫。兄弟一體也。無一榮一悴之理。兄弟之子。猶子也。姊妹之子。猶兄弟之子也。人信以爲人之親。其兄之子。爲若親。其隣之赤子。乎此庸行之常。鄉黨自好之所。必爲無溢美也。而吾所獨異於公者。人情莫不願子孫之成家。而公獨禁炳言問財之出入。何與。豈昔人

所謂遺子孫以財子孫未必能守不若遺之以書與然而世之遺子孫以書子孫不能讀者豈少哉而公之子不惟能讀公之書且能掇巍科登顯仕大公之門戶何與財者萬物養命之源用一分精細必多一分計較計較多則刻覈生刻覈生則福澤薄公之禁炳官問財之出入豈不以是也與嗚呼炳言之發大流長公之得膺

國家兩朝之榮封吾知之矣公卒於嘉慶十五年四月十二日午時壽六十有一子四長卽炳言次光祚郡庠生副室徐氏出次光鏞光禔副室楊氏出光鏞出繼副室姚氏錢氏俱無出錢氏

綠野齋前後合集

卷六

本

貶封恭人女子二徐氏出長適監生沈瀾次適邑廩生高文樞孫四炳言出者三光祚出者一方炳言之舉於鄉也適公弟之子光祿以翰林院庶吉士歸省公謂炳言等曰我家自徽遷湖四世不顯爾等自思何以致此蓋公原籍安徽休寧縣公之曾祖諱承恆始徙吳興捐資創立休寧義塚載郡邑志祖諱道疇考諱繼軼鄉里皆稱其醇謹出厚無過行夫無過行卽謂善易曰積善之家必有余慶觀公家熾昌之盛公之祖父與公之所積所餘概可見也已

計較多則刻覈生二語中具至理

周芸皋

中幅名言末補敘先世尤變化

王霞九

誥贈奉直大夫祝君墓表

君姓祝諱書紳字嗣昌號帶存先世由浙江蘭溪徙江蘇崇明  
又遷元和祖諱愷

贈中憲大夫祖妣施氏

封恭人

旌表節孝父諱懷真安徽涇縣建平大平知縣候選同知妣施  
氏

贈宜人繼妣周氏

封宜人本生父諱成楷直隸宣化府通判妣黃氏

封宜人配徐氏子一維則援例授詹事府主簿

綠野齋前後合集卷六

空

贈君奉直大夫

封徐氏宜人維則與余及門金編修善介書乞表君之墓維則

來太湖拜且言曰維則幼孤吾父之卒維則不能狀之行然吾

母以維則不知父也嘗舉吾父一二事以警愚頑吾父少出繼

父卒時王父母猶在堂王父母痛吾母之孀也諭吾母服事勿

過勞維則少長亦勸母無重違王父母意吾母眩然泣曰此汝

父之遺囑也汝父年十六卽隨汝王父任所日夜代檢簿書故

汝王父得專心民事至今稱賢尹汝父謂汝王父母以愛憐故

嗣爲子嗣而不竭其力烏用子矣汝父之將終也無他囑也恨

不得終養汝王父母也余以孀也自逸異日何以見汝父於地

下乎。吾母之訓。維則者如此。嗚呼。爲人後者。爲之子先王之制。爲人後者。降其父母。服期。使專用情於所後也。然而天下固有厚於所生。薄於所後者。如君者。可謂克盡嗣子之職矣。君生於乾隆三十七年五月二十五日辰時。卒於嘉慶十五年三月初十日戌時。享年三十有九。葬吳江縣二十七都圖角字圩之新圩。詩曰。孝子不匱。永錫爾類。君夫人有賢行。君子能自樹立。恐君之行。淹沒於後世也。余故特表君之囑。徐宜人者。俾揭於石焉。

獨於出嗣著意 兄時齋

文止述母言數行至情感人並見徐宜人之賢是爲對面加

綠野齋前後合集

卷六

奎

倍寫法 周芸皋

不特表祝君之孝而其言有關世教是不苟作 王霞九

文學張君墓表

○王○云○一○起○卽○悲○淡○

嗚呼君之卒十六年矣君之子登始以狀假余孫長慶乞余表君之墓余與君爲子女姻君之女爲余之子婦當道光元年君以時疫卒享年五十有七時余官中書遣君之女歸送君葬數欲銘君之幽以君家未請故遲迴不果今得揭君之行誼於阡至戚良朋零落之感其能無愴然於懷耶君姓張諱大德字懋昭號東村世爲濰人邑增生鄉試輒報罷遂絕意進取配陳孺人生丈夫子二長愷從九品次卽登廩生女三長適氏王次適氏季三卽余之子婦憶余年十三歲讀書家塾君與邑中諸戚友偕余長兄仲兄從學於仲介先生君耳微聾同人或以謔言

綠野齋則後合集

卷六

奎

相戲姑使君不聞則闕堂捧腹君徐知之亦笑余時已知重君逾數年余生子曦將求婚於君濰俗必藉媒妁往復君以與余相愛之故一言而定嗟乎余之始交君猶在齠齡今君女所生○筆○幾○合○人○百○請○不○厭○之子長者婚娶幼者成立歲已過余交君時長者捧君之狀濡毫染墨縷續爲余述其外祖一生忠厚事蹟求余必傳其實迴思當時與君同學者皆先後相繼淪謝惟余仲兄猶在卽余亦忽忽將老而君墓之木已拱矣初君旣罷舉設席授徒春秋自力田日耕讀一也不可知稼穡之艱難兄主家政君五十年不過問族中有守節不得旌者君勸兄捐資爲之請貧窮不能學者君親爲教讀猶子豐令河南有德政居鄉行善事所得於



君者居多。余與君歲時數相見。見多舉鄉前賢以相勸勉。及余宦京。使子婦省君與陳孺人。君貽余書。謂余待子婦過厚。食梁齒肥。余報以內閣官俸無多。何梁肥之能得。然余自中書選郡丞。歷道府。洎至臬司。祿入豐裕。而飲食衣服之必儉。蓋不敢忘切劇之誼。君終身未得一舉。故無所表見於世。而所施於家如此。可謂鄉黨自好之士。余仕宦三十年。志在少有濟於民。而中之不堪。自問者實多。故余嘗謂子婦曰。爾舅之居官。不如爾父居家之無疚心也。是足爲張氏子孫之法式也已。

情文相生。直作歐文讀。不復知其爲近人作也。王霞九

誥授通議大夫貴州按察使司按察使李公墓表

滇南之士大夫有以程朱之學服官治民者曰昆陽李復齋先生先生少篤學得張南軒義利辨朱子古文讀本陸清獻文集遂服膺終身嘉慶壬戌成進士歷任山東鄒平冠縣知縣膠州知州濟寧直隸州知州擢泰安府知府調沂州府擢兗沂曹兵備道晉浙江鹽運使調山東鹽運使陞湖北按察使未至授山東按察使調貴州按察使原品休致先生筮仕二十餘年毅然以崇正學挽澆風爲已任計在浙僅六閱月在黔三載其他遷轉不離吾東治吾東最久吾東被其澤服其德尤深官浙時勾稽嚴明商不能欺拓貢院濬西子湖皆協爲籌畫官黔時州縣

綠野齋前後合集

卷六

奎

因○缺○苦○不○得○久○任○先○生○以○所○職○殿○最○爲○調○濟○吏○治○蒸蒸○日○上○遇○歲○歉○開○粥○廠○食○餓○桐○梓○縣○大○水○鑿○葫○蘆○口○而○患○息○立○男○女○紡○織○二○局○使○民○知○棉○布○作○家○諭○戶○曉○篇○使○民○重○倫○紀○黔○與○滇○接○壤○余○來○滇○至○今○滇○之○人○猶○能○道○之○初○先○生○之○任○吾○東○也○令○鄒○平○度○不○得○行○其○所○學○遽○引○疾○受○代○者○以○交○歎○累○先○生○授○徒○省○垣○郭○鑑○湖○者○門○人○世○熙○之○父○精○武○畧○授○公○兵○法○未○幾○赴○蔣○令○光○璧○之○約○至○壽○張○縣○癸○酉○白○蓮○教○起○曹○縣○戕○官○公○爲○蔣○畫○策○練○鄉○勇○擇○武○生○爲○隊○長○授○以○單○刀○法○鎗○法○陣○法○蔣○居○守○先○生○出○巡○擒○賊○目○張○學○義○等○自○是○賊○不○敢○窺○壽○事○平○大○吏○以○公○有○幹○畧○檄○飭○起○病○坐○補○鄒○平○治○鄒○務○清○訟○息○盜○尤○盡○心○於○教○化○甫○抵○任○獄○訟○紛○紜○久○之

門可羅雀。民婦陳氏。訴其子忤逆。先生自引咎。其子叩頭流血。母爲請釋。果改行爲孝。立獲盜賞格。捐設捕役工食。數微行窮。詰窩家。闔境夜不閉戶。創立梁鄒書院。義學。修伏生祠。長白祠。表范文正公讀書處。立馬宛斯先生神道碑。諄諄勉諸生。以效法前賢。邑有摩訶山。會仙嶺。爲祈晴禱雨處。祈禱無不立應。歲屢豐。在任七年。百姓初呼爲李教官。後呼爲李青天。循聲大著。繼任冠縣。膠州。濟寧州。治一如鄒。將去。冠亥刻授代。而是日申刻。役稟傳到。聚衆鬪毆案。兩造四十餘人。意在困先生。先生一訊俱服。役大驚。膠雲墨二河淤。河岸多紳富舖屋。前任掣肘不能疏。先生倡捐千金。民爭輸約。富紳閱河勢。問某舖某屋妨水。

否。富紳勉應曰。妨立命。拆毀數百間。工未匝月。而河流暢。泰安沂州二府。素號難治。而沂俗較悍。先生爲守。立屬吏課程。告以治鄒平。法化險健爲淳良。拔匪鹽梟。望風奔潰。勸民捐義倉。備荒地產。梓羅椿樹。勸民種植。養蠶。兩府之風俗一變。充沂曹濱河。先生爲監司。修防必躬親。前守泰撫軍奏興水利。先生言山東地多沙土。欲改水田。徒糜國帑。力爭而罷。至是。河員報河有淤沙。請帑數巨萬開濬。先生相度情形。謂春漲卽刷去。後果如先生言。東。商積虧甚鉅。充者半無業。游民先生爲運司。分別徵緩。責令富商領運。不得因引地滯銷。賤價私賣。而課裕及陟東。臬平允安靜。不務赫赫之名。惟深惡懸案不結。勒限嚴懲。充

州多詐贓斃命。立置縣役重典。吏治肅然。先生生平論治官辦  
事。方能了事。了事方能無事。論除盜官。必實有衛民之心。身所  
不能及者。精神及之。精神所不能及者。聲名及之。論教化。歸本  
於立身。官必能對百姓。而後可以教百姓。嘗謂東省之民。氣粗  
性直。粗固易於犯法。直亦易於爲善。故所至無不悅服。刊德政  
碑。甘棠八思詩。去思錄。湖南賀耦耕。潘東投。余書曰。李復齋先  
生。山左之福星也。當先生去鄒。平老幼餞送者。擁塞街衢。追至  
數十里。不忍別。後每過境。必挽留。其子孫至。亦如之一日。先生  
乘馬夜行。天將曙。道旁有賣粥者。識之曰。此非李青天耶。以粥  
跪獻。泣下。復以粥遍食從者。酬以值。不受。丙申歲。東士民訛傳  
哭。

綠野齋前後合集

卷六

七

先生卒。請祀名宦。有司照例批斥。逾二年。聞先生之喪。所在聚  
奏。准題牌設位。以慰輿情。先生生於乾隆壬午十一月三十日。  
卒於道光戊戌四月二日。享年七十有七。曾祖從綱。康熙丙子。  
舉人。爲黔貴定令。祖皎。乾隆丙辰舉人。父頤學。乾隆壬午舉人。  
皆

累贈通議大夫。妣皆

累贈淑人。先生事母孝。母耳後痰核膿潰。吮之而愈。後母疾劇。

呼之曰。我疾不起。爾終身將如何。先生泣涕對曰。幸聞母教。此

生出處。誓求對母。朱太淑人頷之而逝。配雷淑人。前三十餘年。

卒不復娶。亦不設妾媵。子四人。德謹、武庠、生德慎、例授承德郎。先卒。德蕙、候選州同德輿、早卒。女一。適武舉李春暉。孫八人。嗣武。侯選府經歷允武、太學生錫齡、廷琛、錫金、俱庠生。濟武、繹武、軍武、並業儒。曾孫三人。啓功、迪功、珀功。先生致仕歸里。閉門却軌。日與孫輩及一二門人講學。不輟。當道過訪。未嘗一識其面。每日昧爽起。自立課程。作三次省察。著作宏富。刊行世者二十卷。吾讀其憤排初稿、續稿、窮究天人性命之理。實能以程朱之學爲學。讀其官山、左黔、中文、移札稿。實能以程朱之學爲治。滇遠在西南邊徼。文章節義。後先相望。而道學一脈。開自先生。夷考其言與行。殆陸清獻之流亞也。先生諱文耕。字心田。別字綠野齋。前後合集卷六。

矣

復齋後更字墾石。歿後舉鄉賢。滇人不稱其官。稱復齋先生云。敘事繁中見簡。而關鎖縈繞。運以大營包小營之法。使人不敢逼視。他手如塗塗附。不值作家一噓矣。

王霞九

誥贈通奉大夫

旌表孝子立齋王公墓表

士之能以德行孚於鄉黨聞於朝寧傳於後世者吾知其所由來矣。不得乎親。不可以爲人。不順乎親。不可以爲子。孝者天之所助。故曰孝能動天天且弗違於孝而况於人乎。余友王君贈芳以其先大夫

旌表孝子錄。乞余表墓之文。余考孝子之行曰異哉。所聞孝子諱殿墀。字衷佩。號立齋。世家江西廬陵。父光昇。孝於繼母。孝子隨父服事門內外。稱孝童。蓋自髫齡至性已過人矣。初讀論語。至父母惟其疾之憂。問師曰。父母疾誰憂之乎。師大驚。口嚇不能對。父病足。孝子以肩作杖。扶之行。母病疽。口吮毒。無難色。後

綠野齋則後合集

卷六

充

父病亟。露禱請以身代。醫者夢神告曰。天憐其子。益其父算三年。果愈。及期乃卒。母相繼逝。合葬西塘。結廬於墓之側。朝夕上食。哭聲振動林木。夜有偷兒穴門。孝子曰。我罪人也。孑身無長物。賊感愧而逸。一夕黑虎咆哮。睨孝子久。遂巡去。適二人自袁州夜歸。奔至廬。述遇虎狀。孝子告以前事。皆嗟歎。所杖之桐。自秋闋冬。忽萌芽。歷久不萎。植旱乾。廬前後無水。山麓湧一泉。行旅掬飲。名爲孝子泉。夫孝庸行也。人之所不學而能者。何至盜賊亦爲之化。盜賊猶人之子也。何至猛獸亦爲之馴。猛獸猶有知覺。運動也。桐杖之爲物也。無心流水之爲物也。無情何至因孝而芽。爲之萌。何至因孝而泉。爲之湧。余嘗論天人感應之理。

天爲人之大父母。無時不呼吸於人之心志。壹則動氣氣壹則動志。惟人不能壹其志於父母。斯與天之。大父母懸隔而莫能通。如古來史傳所載匹夫匹婦一端之奇節異行。至泣鬼神。薄風雷。裂金石。傳之者。或疑爲妄誕。今以孝子之事觀之。夫豈其妄誕耶。孝子之廬墓也。鄉之士大夫欲聞之。郡縣請旌於

朝。孝子固辭曰。是重吾不孝也。既卽世七載。闔邑舉孝行。大吏上其事得

旨旌其門。並祀忠孝賢良祠。配劉夫人生丈夫子二。長韻芳。次卽贈芳。劉夫人有賢行。教子嚴。皆能成立。蓋閨門之內所觀摩

綠野齋南後合集

卷六

七

於孝子者深矣。韻芳庠生。贈芳辛未進士。由翰林出守。擢雲南鹽法道。加級

贈孝子通奉大夫。母劉氏夫人。殆所謂孝子不匱。永錫爾類者。與贈芳歷官中外數十年。常恐有一行之虧。貽父母地下羞。殆所謂明發不寐。有懷二人者。與嗚呼孝子之父光昇。葬繼母墓前。白烏三悲鳴。助哀。母嗜橘。橘非土所宜。手植之。結實甘美。母歿。橘不復實。是孝乃王氏一門之家風。天之福報。故篤生賢子。孫以昌。孝子之嗣續。彼物類之感。召自其先世。已然又何足異。與孟子曰。孩提之童。無不知愛其親也。人少則慕父母。漸而移於少艾。移於妻子。移於仕宦。孝子自稱孝童。終身如一日。不失

其○赤○子○之○心○者○也○嗟○乎○誰○無○父○母○讀○孝○子○  
旌○表○錄○而○不○隕○涕○者○豈○復○人○情○也○哉○

曾南豐乞誌銘推本於有道德而能文章其言始足信今而  
傳後 先人至行託 先生至文以傳其感有深焉者矣王  
九

文之波瀾助正面也篇中以正面爲波瀾更妙莊年



馳封儒林郎翰林院編修邑優庠生綸堂王君墓表

同年友雲南鹽法道王君贈芳。余既表其祖父兩世孝子之墓。

矣。贈芳復以其兄行狀示予曰。贈芳少孤。未得承吾祖吾父訓。

自通籍至今。幸免於罪戾。皆吾兄之教也。吾兄恐贈芳之有愧。

於吾祖也。吾兄恐贈芳之有愧於吾父也。事事教贈芳。贈芳之

提學楚北也。吾兄謂學使者風教之宗也。贈芳之出守山左。曹

州也。吾兄謂漢宣帝有言。與我共天下者。良二千石也。濟南政

務繁劇。贈芳調任。吾兄謂能勝則進。不能勝則退。吾家祖父本

未嘗仕宦也。及贈芳陞今職。鄉里遇水災。吾兄食不能下咽也。

謂贈芳急宜節祿餘齋歸買穀減糶也。吾祖父若在。當必破產。

綠野齋則後集 卷六

五

以賑流亡也。是皆吾兄之教也。今已矣。吾兄之教不復聞矣。敢

以此乞文於子。余閱其狀而嘆曰。嗟乎。生人之倫。惟兄弟難矣。

未世骨肉之衰。薄大都見利而忘義。無父母明發之懷。而重妻

孥。溫飽之念。一家之中。有一人宰一邑。治一郡。其能報國恩與

否。兄與弟不問也。惟利而已。其能理民事與否。兄與弟不問也。

惟利而已。思乃祖乃父。望子孫勵風節。作循吏。稱廉守。兄弟一

體也。有如小宛之詩。相勉以念昔先人者乎。余少從學長兄。漢

儀先生。余官中書。以艱於資。將改知縣。漢儀投余書曰。不耐

貧。斷非佳士。且先君之訓。在余乃定於宦京。自漢儀令蕪湖。與

大府爭冤獄。改官卒師弟之誼。手足之情。歲時悽愴。怵惕於心。

今觀君之提撕贈芳者白髮季弟諱諱不異孩提輒不知涕泣  
之何從也君諱韻芳字鼐員號倫堂邑優庠生以贈芳官貶  
封翰林院編修世家江西廬陵曾王父諱學勉王父諱光昇父  
諱殿墀皆以贈芳官加級晉

贈通奉大夫曾王母氏劉繼王母氏劉王母氏陳母氏劉晉

贈夫人王父與父卽余所誤爲

欽旌孝子者配謝氏丈夫子二其瀚邑庠生其洛國學生女子

二皆適名族孫一念琛其瀚出卒於道光乙未九月十三日享

年六十有一君之父見背後君事母劉太夫人能得其歡心孝

乃君之家傳惟孝友于兄弟君之能成就贈芳又何足異乎嗚

綠野齋前後合集卷六

呼是無忝爲兩世孝子之子孫矣

讀此文兩家手足之誼如在目前至情至性盡然言表王霞九

中段極沉浸醲郁之致古人極妙文字皆有之莊年

體仁閣大學士孫公家傳

公諱玉庭。號寄圃。世爲濟寧州人。少讀書。軒屢有鶴集。占者曰：鶴一品之服。主貴。鶴長生之鳥。主壽。因名軒曰來鶴軒。又芝草生於亭。占者曰：賢者之祥。公旣由進士起家。官翰林。以風節自持。遇當道用事者。重公欲羅而致之。門下公逆其意。多方陷公。不可得。嘉慶四年。當道者敗。時公已由廣西蒼梧道陞廣西按察使。獨得不染。

仁宗由是重公。陳臬粵西。黔苗亂。粵西震動。制軍駐潞城。左右江鎮皆失守。惟提督駐西隆舊州。距潞城百餘里。制軍欲赴西林。公急止之曰：兩鎮雖失利。提督全軍尙在。賊必不敢越舊

綠野齋則後合集

卷六

七

州制軍止賊果退。時有以制軍爲孤注。謗公者。後公平苗。班師制軍乃服。升湖南布政使。旋調安徽。又調湖北。時川楚軍興。前司以軍糧不給。被大經畧所劾。制軍預爲地。劾公短糧。而經畧告勝。由糧草充裕之摺先入。

仁宗廷寄。獨下公。擢公爲廣西巡撫。制軍大慙。調廣東。呂宋欲占大。西洋澳門貿易地。違

天朝法。公請制軍以兵逐之。不聽。請帥本標以逐之。不聽。不得已。嚴設守備。遂巡兩月。夷人始遁去。

仁宗以畏葸。遣制軍成。改公撫貴州。甫抵任。追議不參。奏制軍之過。革職。及

仁宗聞公之請制軍出兵也。乃起公雲南巡撫。公免冠頓首謝曰。督臣某爲。

國家慎重邊釁。非敢示弱。

仁宗釋還制軍制軍。卽在兩湖。劾公兵糧不足者。公洞悉夷情。安南王阮光纘爲農耐阮福映所滅。

仁宗遇邊疆有事。

命公馳驛往。未至鎮南關。福映已遣使納款。公奏中國之與外夷。不以其國之順逆爲順逆。而以其順逆於我朝爲順逆。察福映情詞恭順。故據情懇恩俯准得。

綠野齋前後合集

卷六

蓋

旨俞允繼福映復表稱其祖居越裳。請以南越名國。公因其稱名與趙佗無異。駁回。福映猶懇代奏。乃密陳奉。

旨阮福映先有越裳。續得安南。卽以越南錫封。福映得。

旨益畏服。緬僧張輔國聚衆數萬。據南興。鸞食耿馬。孟連。猛拍。三土司地。掠及猛緬。公與制軍親往督剿。三勝破其巢。輔國就戮。捷聞在事文武議敘有差。公入覲。

仁宗諭曰。汝在雲南與伯麟和衷。汝二人何以能如此。公奏臣與督臣相與以誠。

仁宗喜曰。汝等如此。朕無南顧憂矣。擢兩湖總督。旋督兩江。今。

上卽位。授協辦大學士。晉體仁閣大學士。逾二年罷歸。公總督兩江最久。江南之大務。曰漕。曰鹽。曰河。東南困於徵漕。公奏州縣浮收。不如明與八折便民。御史叅以國朝不加賦事。遂阻然。州縣困於旗丁轉運之費。不能不浮收。而輕重懸殊。則書吏得上下其手。而懦民受累。後安化陶文毅公每欲均之。而太息於公議之不行也。鹽法之敝極矣。十一年。皇上命戶部尙書侍郎整理鹽務。陶文毅公奏自八年冬。淮商改孫某散輪之法。爲整輪國課。大細公之。禡職以借黃濟運之故。洪湖高堰決。

上謹河帥戍新疆。

綠野齋則後合集

卷六

美

命公留清江催運。軍船已渡過半。河淤運阻。

上革公職。當時有謂公職催漕。河淤乃河帥之咎。宜疏辨者。公以爲受。

三朝厚恩。大學士職。無所不統。誤國病民。咎所應得。終不辨。先是道光元年。公七十生辰。

上賜福壽字。

御賜匾額對聯。並文綺藏佛等寶。時公子善寶官刑部郎。命自京齋送來南爲公壽。四年。

上幸萬壽山。宴七十以上老臣。繪像玉瀾堂。公得與。時朝臣有欲均天下州縣陋規者。公執不可。

上贊以爲公忠體國公歷任封圻五十年處田間八年天下識  
與不識推嘉慶年間督撫必曰公享年八十二卒  
論曰

國朝吾鄉得至大學士者數人最著李文襄公劉文正公勲績  
載國史二公之後配之者惟公然二公之壽皆不如公乃知公  
家白鶴芝草非獨爲我  
國家得賢之符亦公福祿壽考之徵也

詳中得體

周芸皋

春容大雅尤擅體裁

王霞九

綠野齋前後合集

卷六

七

誥授振威將軍星額倭公家傳

公氏倭諱星額字厚畚漢姓系出蔣氏先世以佐命勳隸漢軍正黃旗世襲一等阿達哈哈番三代皆不顯以公貴

誥贈如例公少失怙恃育外家讀書識大義長精騎射挑補侍衛屢隨

高宗圍射禽矢無虛發

高宗奇公能

簡用雲南景蒙營遊擊自京至滇萬餘里公悉繪其所經山川險要既抵任軍政大治設鹿角柵梅花坑防偷劫諸營宗以爲法故景蒙營當日稱勁旅陞元江營叅將調補武定營

綠野齋前後合集

卷六

七

仁宗改元邪匪倡亂起荆襄間西連關隴巴蜀南結黔筑公戒備賊無敢犯境當是時

朝命經畧大臣勒公保出兵進剿公念世受

國恩言及賊輒慷慨涕泣誓不與俱生預與家人訣請從征

詔可簡精壯投經畧麾下一路剿捕無敵自始征至凱旋凡八

年大小身經三百三十七戰未嘗敗挫嘗夜砍賊營數遇險卒

能自脫嘗與賊敵賊鎗中公左右立斃公色不動指揮進兵如

故王三槐者賊之渠魁號萬人敵屢闖大營諸將深以爲患公

請於經畧謂王三槐一日不得賊一日不能平仗

天威遵帥謨戮力深入脫不幸以馬革裹日報國耳追之於走

馬嶺賊桀石投墜深澗馬斃公傷超距出賊衆至步射一賊燧  
再射再燧五射連中其魁賊卻脫歸復督兵搗賊穴故雖王三  
槐亦畏憚後經畧誘降王三槐械送京師公與謀焉

奏入

賞戴花翎後賊由蘭州路夜渡嘉陵江成都警公馳赴川西攻  
殺論功晉陝西西安軍標副將川楚平晉甘肅涼州鎮總兵官  
緣事去職

仁宗念公前後勞績賞四等侍衛放庫爾喀拉烏蘇領隊大臣  
陞三等侍衛調英吉沙爾辦事大臣撫綏回部自新疆回以三  
等侍衛在大門行走兼公中佐領傷疾作告退留公中佐領仍

綠野齋則後合集 卷六

堯

戴花翎公論兵法宗戚少保諸家每進兵預決勝負主將違之  
輒不利嘗言回民本非孝子順孫馭之不善易為變後果如公  
言公之識解多如此卒年六十有四

論曰公在雲南與提督楊公芳善議事多至夜分今楊公以平  
定逆回功封侯使公若在功當與楊上下然李廣在漢時號名  
將軍卒不封侯不封侯固無害其為名將與

中所敘戰功處深得龍門筆法論亦確似 周芸泉

敘次用古法曲折生動非神明於法者不能 王霞九



山東曹州鎮總兵劉公家傳

公諱清。號松齋。貴州貴筑縣人。由乾隆丁酉科選拔貢生。分發四川知縣。歷署廣元等縣。補南充縣。公於書無所不讀。尤嗜左氏傳。識兵法。居官豁達。無兵民吏役皆呼爲兒。所得廉俸。盡以施予。所至稱劉青天。嘉慶元年。川楚教匪起。公圍練鄉勇。拒賊。王三槐者。賊之渠魁。諭其黨勿犯公。公因賊重其名。軍中旗號大書劉青天。賊望見輒引避。是時經畧勒公保督剿。累年未平。公請往諭降。賊皆露刃相覘。公冒刃進直抵王三槐。卧榻宣布國家威德。弗從。護送公還營。後再往。王三槐聽公言。經畧恐其有詐。使司道府偕公於古廟中受降。司道上座。府中座。公下座。

綠野齋則後合集

卷六

六

王三槐跪稱犯民司道大言曰死囚虜。朝廷何負於汝。而反。王三槐起立曰。爲公等反耳。徐步出。馳逃歸。衆環顧錯愕。廣西布政使司前川北道李公鴻爲余言。當是時。司道慙欲以招降。不實罪。公經畧謂反覆賊之常情。劉令以單騎出入賊營。未可深咎。乃免。公公三往卒降。王三槐檻車送京師。

仁宗親鞫之於瀛臺。則呼云使官如劉青天。百姓斷不反。故御賜公詩首二句云。循吏聲名遠。近傳蜀民何。幸見青天頌。示天下督撫。而四方海徼。始無不知有劉青天者。公以軍功海陞。至按察司。丁艱。回籍服闋。

簡山西布政司晉撫初公彭齡劾公無威儀失大臣體降員外郎十五年外放山東鹽運司十八年逆匪林清滋事河南滑縣山東曹縣皆戕官東撫同公興欲請兵公謂烏合之衆易滅請立軍狀不聽請以百口立軍狀乃與公五百人抵曹賊已脅從至數萬公誓衆曰爾曹富貴在此一舉進退視吾旗鼓有返顧者斬與賊遇旗三颯賊前者敗蹂躪後者死傷不可億算公收軍立營造飯謀者云賊至公命軍士食單身立營門外賊卻疑不前食畢乃入城立木柵益以守城民兵千人衆心大定賊巢聚胡家集往來圍攻曹城夜三鼓公命守堞兵東北喊自率兵出西南門縛賊三百衆問故公曰此兵家虛實相掩之法也勞

綠野齋前後合集 卷六

全

以酒食與之招降帖各數百紙使歸後密攜貳其衆次日天未曙公直搗胡家集拋火毬賊驚潰追斬數十里悉擒其爲首餘散遣使復爲民所得金銀布帛盡以犒軍曹地平時東撫駐曹州府公欲乘勝往破滑東撫攜公手曰老將軍保山東境足矣滑有陝甘督那公彥成提督楊公遇春在毋重勞公乃止事竣陛見

仁宗問巡撫抑勒汝乎公頓首奏撫臣不遣臣臣安能成功軍機大臣皆善公對陞雲南布政使司未行改登州鎮總兵余時在京謁見公問公兵法皆出左氏傳乎公答以兵無成法古人云胥臣蒙馬以虎皮欒枝曳柴而僞遁從何處得來在讀書者

善領之而已。既抵登州，任重修蓬萊閣，與都人士嘯咏其上。絕口不言兵。移曹州鎮，年老引退，食全俸。卒年八十有六。論曰：聞公之未生，童謠云：拔貢總兵。

國朝漢官文武不相兼，公以拔貢作登曹二鎮，竟符其謠。公功在四川山東，曹州立生祠，百姓過公祠無有道公之官爵者，皆曰：劉青天祠。

公四川事跡，李振聲先生言之甚詳。山東十八年事，乃余之所親見者，公之不朽，不藉余文聊誌希慕之意而已。自記

文寫得栩栩欲生。周芸泉

膽識超邁，筆筆謹嚴，卻復生氣滿紙。王霞九

綠野齋前後合集

卷六

全

震川史記例意云：太史公但若到熱鬧處，就露出精神來，文亦有無限精神在紙上。莊年

諾授武顯將軍江南徐州鎮總兵古愚裴公家傳

諾授武顯將軍江南徐州鎮總兵裴公諱安邦字古愚號梅林  
浙江會稽人祖父皆不顯以公貴

王○云○天○生○英○雄○

贈如其官公少食貧與諸兒以力相角禱於城隍兆曰上馬金  
下馬銀難買英雄一片心乃從軍隸溫州鎮麾下是時蔡逆聚  
無賴數千人出沒洋面劫商船官兵進則沒入外洋退則復出  
剽掠公以匕首插鞞中乘小舟直抵賊艘爲之陳順逆禍福數  
蔡逆曰以爾材賈不能爲

國家出力乃作賊爲滅族計乎且古今有白首賊乎蔡色沮集  
衆謀投誠衆懼誅弗聽公取賊所劫紅毛國酒二瓶以還一軍

綠野齋前後合集

卷六

全

見之皆驚公由是知名入武庠嘉慶辛酉浙江中丞阮公元主  
武闈見公問蔡逆狀勉之曰爾異日

國之干城也中式武舉第一壬戌會試後選兵部差官乙丑成  
進士

欽點藍翎侍衛三年期滿發往江南以營守備用署徐州中營

夏鎮汛守備補青山營守備調江寧城守左營守備署徐州城

守營都司軍政卓異擢江寧城守左營都司調青村營都司陞

海州營叅將

賞戴花翎旋陞總河督標中軍副將

王○云○神○色○奕○奕○

特授安徽壽春鎮總兵調徐州鎮總兵公狀貌魁梧奇偉腰大

十圍能彎百石弓。馳駿馬如飛。望之者目爲神人。巨盜滑賊鹽梟聞風竄匿。然公自都守洊至總戎。前後二十年。計所擒獲。猶數百名。

國家承平日久。將士頽情。兵革朽鈍。公所至必精器械。汰老弱。曰安用此以縻。

國帑造擡炮。兩兵肩一能打二百弓。每合操。旌旗鎧甲鮮明。照耀雲龍山色。轟聲與黃河濤聲俱震。雷迅電閃。鮫鱷遁藏。徐州鎮兵勇冠江南。公雖武人。喜讀陸宣公奏議。談吏治。至民生疾苦。多泣下。初守夏鎮。汎歲饑。盡出所藏以食餓者。沛令勸富民賑。弗應。公一言立應。任青山營海州營。遇救荒亦然。余來徐。

綠野齋前後合集

卷六

公

公去夏鎮已久。百姓猶謂自裴公去無公道事。余謂沛令曰。一守備使民不忘。如此作長吏者。能無愧乎。余以事至海州。宿逆旅。逆旅人猶說公當年終夜不倦。鎮壽春。徐州祿入漸豐。盡用以給鰥寡孤獨。冬月施棉衣。貧不能殮者。予棺木。公一出皆擁拜馬前。創立義學。教兩鎮子弟。講武之暇。與文士歌雅投壺。以爲笑樂。故兩鎮之士民莫不畏公之威懷。公之德勒石之詞。至比晉之羊叔子。今年四月旱。余偕公禱雨。公忽不至。翌日知公疾。越七月初四日疾革。時湖南逆獠初報捷。廣東八排蠢動。公生平以効命捐軀自矢。太息曰。大丈夫不得戮力疆場。報國恩。乃如此死乎。言訖而卒。年五十九。

論曰公鎮壽春時使工畫其像歿後余奠拜始得見英姿肖其  
生時如在千軍萬馬中公自刻苦自奉人所不堪得疾製桐棺  
布衾遺命薄葬史曰武官不惜死文官不愛錢則天下太平如  
公者可謂兼之矣

畧舉大概文如其人 自記

能寫出大將英偉之相有褒公鄂公氣象 周芸臯

入手天上下將軍後不以武功見乃寫得色色精絕 王霞九

采色甚壯 莊年

安化陶文毅公家傳

今上御極有自監司首蒙

聖恩建牙開府秉節鉞肩鉅任天下推爲一朝柱石之臣者曰  
湖南安化陶公公號雲汀少篤學慕宋范文正公爲人父黃江  
先生器之效蘇老泉名二子說曰是異日澍雨天下乎因名公  
曰澍嘉慶庚申領鄉薦壬戌成進士供職翰林庚午典試川省  
改御史轉給事中巡視南漕授四川東道蔣礪堂先生督蜀  
一見曰此總督材也行將大用矣道光改元擢福建按察使調  
山西按察使公論治務持大體使官與民相安尤惡矯廉立名  
誤地方公事山西新疆驛道民舊助官夫馬錢忽告勒派公置  
綠野齋則後合集 卷六

矣

不理復京控值公陞安徽布政使

陞見面 奏於

上案遂定

上問公天下弊何從防起公稽首對曰

皇上如天風雨雷霆惟物所自召善惡積久必彰發唐虞三代

聖主無以察爲明者

上稱善晉安徽巡撫修通志加敬敷書院膏火建義倉捐乳嬰

堂資收民間凶器百廢次第舉鳳穎蝗起公禱劉猛將軍祠宿

州蝻子多處青蛙無數食蝗懷遠界烏鵲數萬啄蝗立盡

御書神參秉畀匾額五年江蘇運河阻淺

廷議籌海運

上以

國家河漕二百年一旦杭海事屬非常非公不可調公江蘇巡撫公赴上海招募沙船商情踴躍千艘入洋浮天無際不逾月逮淀津較河運省數巨萬事竣

加太子少保銜

賞戴花翎公撫皖安慶等府江水漲公親往勘蠲緩給賑採川廣江西米石減價平糶捐廉倡屬勸富紳出銀米開粥廠食餓無爲州被水重築江灞衛田廬及撫蘇逾歲江北大水公撫恤如皖及節制兩江十一二等年江北大水公撫恤亦如之公精

綠野齋則後合集

卷六

全

於地理所至之處必登高以觀其形勢談山川曲折迴環瞭如指掌江蘇爲天下水利之區匯源於太湖而吳淞江爲之委公以爲水利不講則旱澇無備首濬吳淞江事重而功鉅益以練湖而蘇松一帶之水利治次孟瀆河繞常州全境不惟益灌溉兼濟商賈濬之而常州一帶之水利治建橫閘以通漕挑金陵內外河以通江太湖隸吳淞上游白浮門承浙水由大缺口入吳淞一併疏鑿復以新漲沙洲歸官儲其財備修理河道之用士大夫皆喜曰此百年之利也鹽法之敝極矣兩淮鹽課甲天下商積欠歲額年減

上命戶部尙書與公議裁鹽政使公兼理當是時朝臣奏宜更



張不曰歸地丁。卽曰加關稅。否則歸皂戶。公議曰歸地丁。則病農加關稅。則病商歸皂戶。則病鄰省。不如申明舊章。淮南課十之九。仍責商運。淮北課十之一。仿浙省兼行。票引裁浮費。二百六十萬。謗黷繁興。言官交章相攻。公持之愈堅。賴上委任。專數年始。稍稍復舊額。而公亦以此積勞致疾。公度量恢宏。知人善任。操縱屈伸在手。而總歸於厚。當移節來蘇。或驚傳登白簡。公謂首府庸劣貪懦之員。隨時皆可革治。督撫蒞任甄別非定例也。桃源奸民陳端。決黃河灌洪澤湖。公閱兵江西。聞之馳歸。河督已叅河員與縣令。仍不獲陳端。

上旨嚴切。議者謂宜劾承緝不力者。解說公不聽。惟自引咎。時

綠野齋則後合集

卷六

全

翱在清江謁公曰。陳端可得矣。公問何故。翱答以州縣聞公引咎。至於感泣。陳端將焉逃乎。旣而果獲。余公陶泉守江寧。公越級保鹽運司。漕務之整頓。實賴其力。及其卒也。公哭之慟。誅曰。斯人難再得。聞者莫不激勸。其他爲

上所簡用。因公薦任。至督撫兩司者。多有名於世。蓋公與屬員相矢以誠。如范文正之守西邊。推心置腹。將士各自爲戰。其以人事君。汲引如恐不及。亦與文正無異。故爲

國家培養。江南元氣。幾二十年。爲人所不肯爲。不能爲。所向皆成功。公疾急。求解任。

上勉從所請。

論以痊愈卽行來京請安以慰廛念而公已不起矣初公從黃江先生讀書齋號印心石屋江心有石方正如印

上嘉其名揮翰書之公鑄石金陵官署上以榮

君之賜下不敢忘其所學所著奏疏若干卷文集若干卷陶

詩集註若干卷蜀軸日記若干卷詩集若干卷評家謂公詩不

在韓蘇以下

國朝一大宗也公病中無一語及家事幼子服事無戀戀色卒

之前江寧大雨猶命人扶立默禱十九年六月初二日酉刻端

坐而逝年六十二遺摺入

上震悼晉太子太保銜照尙書例賜卹入祀賢良祠諡文毅子

綠野齋前後合集卷六

允

枕

賜主事

論曰昔人有言大雅丞民江漢推大臣下之功實以詠歌宣王

之德也公總督兩江兼古方伯連帥之任志在法范文正先憂

後樂以翱觀之公無時不在憂之中何嘗得一日樂乎顧范文

正遇宋仁宗始猶不免齟齬公鞠躬盡瘁得盡展生平所抱負

良以遭逢

明聖今

上非宋仁宗比也是當於大雅中求之矣

事實文古余亦感慨繫之矣 伊莘農

陶公不朽文亦不朽

顏魯輿

語詭寫生得此文陶公可不死矣

賀偶庚

比擬范公洵無愧色行文肅肅穆穆雅雅魚魚

王霞九

陶公之氣魄精神一一寫出此先生文字之近史漢者

莊年

綠野齋前後合集

卷六

卒

勅封文林郎郭君家傳

先君子女姻親中所最契者曰郭君郭氏爲濰邑世族自戶部  
尙書漕運總督官保公顯於明末子孫繁衍科甲連綿富貴累  
世不絕故吾邑諺曰郭半城先君尤稱君無世家氣以長女妻  
君之次子壻君諱熾典字肇謨父奉直公生八子母田太宜人  
出者六君與季弟生母陳太安人出少穎悟郡取第一人入府  
庠乾隆庚寅以超等赴鄉試父覲疾聞報馳歸左右奉事湯藥  
適廩中缺員應君補書斗來請君以親疾爲憂功名所不暇計  
讓於同邑郎月川故終以增生援例貢太學先君嘗言君此事  
爲士林所難君敬先睦族官公墓多樹稟官立碑使無敢翦

綠野齋前後合集

卷六

空

伐先君嘗取君之法以保先塋歲時合族人談往昔矩矱修譜  
系使世次不紊先君欲效作之未果君友于兄弟家計豐裕析  
產後獨與季弟同財付人權子母計前後虧折數至巨萬家幾  
落先君嘗曰以君之厚與弟之友愛財偶有消長無中落之理  
後果復其舊如先君言君教子姪隨其材質上者讀書下者貿  
易力田嘗曰善保家者無間人故姪圩璋皆成進士壻亦領鄉  
薦子玲與壻習商賈與鋪夥同操作春秋親赴田省耕斂先君  
教余兄弟詩書之外不廢業農世嘗謂世家子弟學耕難今君  
家以宦裔雖市井亦爲之所謂學耕難者其果然乎君之姪圩  
璋先君視之爲晚輩以其遵君教有學行命余兄弟尊爲先生

扞選雲南恩安縣。未之任。染瘴卒於黔。柩來灘。灘士迎者皆痛哭。逾數年。公舉入祀鄉賢。境令直隸束鹿縣。以

覃恩所得誥命。馳封君。尋引疾歸。宦橐無餘錢。當嘉慶癸酉歲。饑。曹州教匪倡亂。君約紳士設粥場。濟貧民。補城垣。防土寇。今君之子壻。凡邑中排難解紛。修橋建廟。賑饑禦賊之事。無不與。皆君之貽訓也。君一生敦篤爽直。所行於身。教於家者如是。先君所以愛君無世家氣於子女。姻親中最契君也。君後先君卒。享年八十。

論曰先君有言。人家祖父。幸作高官。登膺仕。列位於朝。子孫不能緒箕裘。振其家聲。亦云碌碌矣。至或藉祖宗之門戶。以自炫。綠野齋則後合集卷六

壘

可恥孰甚焉。夫富貴貧賤。無常。欒卻之子孫。降為皂隸。又何門戶之足云乎。嗚呼。如君可為世家法矣。寫質行無溢詞。教子弟讀書力田。隨其才質。尤為保家之良

法 王霞九

東平州學正孫君傳

君諱絡字伯聯號峩峩世居博山縣君父

贈文林公生四子君君長生有夙慧就塾師讀五經師不能通者輒自悟長喜讀宋儒書尤愛王陽明良知之學謂便於敦行乾隆庚辰以第二人舉於鄉截取知縣不赴選東平州學正破屋頽垣晏如訓迪士子晝夜無倦容耳微聾或有以官事屬請者初言之弗應再三言之弗應或猶疑君之病耳弗聞也君叱之曰爾質疑問難吾雖聾亦聰爾以瑣瑣者瀆吾聽吾雖聰亦聾州之人至今傳爲美談嘉慶元年卒貧不能斂州牧爲之經紀謂諸生曰孫先生真人師也諸生痛哭失聲享年七十有一

綠野齋前後合集

卷六

七

子崇玷嘉慶辛酉科拔貢翰林院待詔

論曰孫氏於博邑爲世族順治間文定公以進士起家官至戶部尙書大學士傳載

國史數傳至君亦漸瀕於式微矣然君抗志篤行不愧前哲聞君作秀才時邑宰慕君之名至一見面不可得贈君詩有閉關曾見孫明復句昔宋泰山孫明復歐陽永叔表徂徠先生不勝希慕之至豈關遇不遇哉士在植行而已非公事未嘗至於偃之室聖門以此得人况後世乎今世無歐陽永叔表君之行如有歐陽永叔其希慕於君者更當何如也

寫裝聾狀神妙不可偕卽此全身畢現

周芸臯

愈簡愈高寫孫君叱語龍門神筆

王霞九

綠野齋前後合集

卷六

九



劉青天傳

○周○云○駭○然○而○來○

劉青天者名大紳字寄庵滇之寧州人以乾隆壬辰進士仕吾東吾東服其德稱爲劉青天云初合曹單二縣二縣固吾東財賦鄉公既至民無羨稅大吏過境至不能犒從者大吏檄公代長山合漕將以困公民聞公至擔負相屬於路不數日漕畢又檄公合新城又檄公攝朝城篆舊令有疑獄公未能決以是劾公候部議公善書又長於詩是時待罪厯下邑人聞公將去求書者盈門公日爲書墨數斗紙數百暇則與士大夫泊舟湖際鵲峯山色遠映水面芰荷蘆港漁歌欸乃胸中浩然恬適之趣盡寓之於詩初不知身之將遣也及部議下當流公卽日就道

綠野齋則後合集

卷六

壹

曹單民釀金饋贖公辭委之車中行過某地河決公盡用以濟溺民未及流所新城曹單民復釀金贖公還嘉慶間河南撫陳公大文移節吾東舉廢吏之賢者公爲首公至陳以憂去新撫授公冠縣冠多逋賦公下車月餘復詣省垣辭職父老隨之請公回公謂父老父母無不愛子子或違教如父母何父老頓首謝乃允其請土豪某積賦不奉命公以巡稼過其里招之來曰爾適無錢耶曰然則代爲償之至秋復使人謂之曰爾又無錢耶曰然復典衣代償之某感愧終身無欠賦公在東久知終不合於時欲棄官去大吏舉公卓異遷武定軍廳因以疾辭士民送者雨泣皆呼青天

○周○云○曲○梁○江○上○



論曰。已未庚申間。先君以候補教諭。需次省垣。與公稱相契。先君問君施何德於民。而民情如是。公笑而不答。臨別贈先君草書十二幅。寄庵詩草一函。草書潑墨淋漓。至今猶新。余讀寄庵除夕詩曰。剩有兒童壓歲錢。嗚呼有以也夫。

敘事甚詳。用筆甚簡。此極有法度之文。姚秋農師

拙耳。陳其山  
虛筆摹寫。便覺循良異政。無限情事。彼拉雜滿紙者。正由笨

於良吏政蹟精神。寫得出然。著筆又無多。非深於史漢。不能。周敬修

摹寫處。純是古人秘妙。吾師乎。吾師乎。移吾情矣。韓致經

綠野齋前後合集 卷六

六

吳南川先生家傳

先生諱江字南川號未軒姓吳氏季公子後裔上世屢遷明成化間由平度徙霑化代有顯人父錫仁

誥贈中憲大夫母朱氏

誥贈恭人以先生伯兄湘給諫貴也贈公四子先生居次性至

孝自幼嗜讀七歲能詩遊庠後每試輒冠曹乾隆壬申

恩科領鄉薦贈公卒逾期未獲吉卜先生居廬每大風雪必夜

起撫摩棺木傍徨號泣鄰居爲之悽惻母朱太恭人有疾先生

侍榻前面黃甚母曰爾亦病乎曰無病步行屢顛家人謂憂勞

所致徐乃知先生割股事邑宰額先生曰純孝先生泣然曰此

綠野齋別後合集

卷六

七

非全受全歸之義也忍以爲名乎藏其額終身不一懸服闋累躡春官乾隆丙戌以大挑注籍縣令試用滇南都中貴顯以先生伯兄故或以書屬大吏至滇值用兵緬甸先生解兵糧兵糶調兵土司皆尅期辦委署臨安府經歷代郡守治獄書役驚神明不敢取一錢歲終多告退先生至典衣分恤後改就教官大吏之書猶在囊曰窮達命也亦安用是暮夜求者選汶上縣訓導陽穀王倫叛汶上官半調赴大營守者一把總一典史當是時王倫營去汶四十里銃礮之聲日夜相聞諸生或有勸先生暫避者先生大怒曰士爲四民首邑有難乃先去以爲民望乎且有

國憲在吾與生等。與此城俱碎耳。晝夜巡警。勉士卒以大義。城  
得不破。先生司汶上鐸數年。與汶之士爲一家。學宮後手植槐  
數十株。汶人號爲吳公槐。勒碑以紀先生德。調曲阜訓導。陞濟  
南訓導。教士一如汶。先勵以忠孝節義。暇則課文。每課必自作  
一二首爲程。先生官滇時。著有萬里草。近體詩十草。園課藝。歷  
任廣文。著有汶陽課藝。曲阜課藝。濟南課藝。解書有四。書管見。  
兩論。叅一。吾邑韓理堂先生古今文詩辭。負山左。重望館。濟南  
歷邑時。數與先生相過。從樽酒論文。遇賞心。獨見輒搥牀。叫絕。  
不知世間何者美好。先生既告歸。及門之士。經先生指授者。悉  
有名於時。卒於嘉慶二十二年九月初九日。年九十。配勞孺人。  
綠野齋別後合集 卷六

矣

先卒子四人。觀來。觀稼。觀道。觀文。女二人。

論曰。余少從韓理堂師。知先生名。長從壽邑薛萊峯師。師數道  
先生。先生聲稱在濟。充間今越二十年。先生及門岳編修。以行  
狀囑余爲先生傳。余旣條列先生義行之大者。不具論。論先生  
之文。余鐫山左文鈔首三家。寶東。皋之文。大含細入。元氣渾淪。  
如高山大河。包孕無窮。韓理堂之文。鏘經治史。如夏罇商彝。三  
代法物。令人不敢褻視。閭懷庭之文。古光幽顏。如翠柏蒼松。四  
時不改其色。如空谷寒梅。孤芳自賞。先生之文。簡雅刻削。氣味  
別出三家之外。其韓閭之亞乎。

敘次極佳 姚秋農師

序次節節生色論更有別趣

姚鏡塘前輩

本色文字佳在簡淨不必塗飾爲工

陳其山

綠野齋前後合集

卷六

七

孫給諫家傳

工科給事中孫君諱貫。一字又魯。號翊堂。濟之長山人。明初由直隸棗強遷山東。居清河孝水間。世業農。傳十二世生君。先是近村中有善人力行善至髻鬢而終。君之父

李云其來也。有因。

贈朝議大夫澤遠公於誕君之夕。夢善人至其家。澤遠公喜曰。是兒必有異。甫周歲出嗣世父。

贈朝議大夫召棠公。既長好學。召棠公因宋范文正曾讀書長白山。每舉文正教之曰。立勩業作名臣。祇在立志。丁卯領鄉薦。己巳澤遠公卒。辛未成進士。用庶吉士。未及散館。召棠公與曹太恭人相繼卒。君匍匐營葬。事本生母張太恭人三年。服闋授

綠野齋前後合集

卷六

百

編修。大考二等。充

國史館協修。

武英殿總纂。己卯充順天鄉試同考官。所得多名下士。今

上改元。

召見。

天顏和霽。詳問。二年改授河南道監察御史。轉給諫。君爲人外和而內剛。與之處溫溫若無不可者。及其見義必爲。雖孟賁之勇不能奪。余以同譜朝夕相過從。嘗出其千里庭訓一編。囑余題跋。將刻以自警。蓋召棠公集范文正公之言以策勉君者。余應之曰。言虛也行實也。是在君能爲之而已。此編俟異日付梓。

可也。君捧之而泣。自君得侍御。奏章疊疊。其蒙

恩准行者。天下皆見其留中者。雖以余之親密。未嘗問君。君亦

未嘗一向余言也。其謹慎如此。然君之轉給諫。班列居末

上。特越次以用。君是君之經國。碩畫必有合於

聖心者。歸安姚秋農夫子哭君云。心傾秉直。陳書日腸斷。瀕危

握手時。蓋紀實也。君猝得疾。余聞赴視。謂余曰。疾不可為矣。冥

司召作官。請十日假。不可得。余以為疾中魔語。而處分家事了

了。越二日自嘆云。不得見吾母矣。遂卒。享年三十有八。子一見

龍幼。

論曰。鬼神之事。儒者多不信。然生為賢人君子。歿而為神。其理

綠野齋刪後合集 卷六

皇

似有不可証者。君之生。兆於夢矣。卒之日。諄諄言作冥官異哉。

君志在法。范文正公文正公福德兼備。壽近古稀。其施於天下

國家者。如日星河。嶽之不朽。君視文正何如。君之老母待養。幼

子待教。天何奪君之速也。嗚呼。天下有志之士。欲取法前哲。其

亦有命也夫。

給諫亦與余善。洵端人也。將死云。召作冥官。刻期而逝。都人

皆知之。此傳紀其實也。結語感慨無限。

陳其山

以奇起。以奇結。格局天成。中幅運實於虛。清渾之氣。盤折行

楮間 李方赤

四川合州知州陳君家傳

君陳氏諱廷鈺。字其相。號式堂。濰之世家。順治間。由進士官河  
南彰德府守。崇祀鄉賢。諱兆鸞者。君之高祖也。君以乾隆己酉  
鄉舉。挑發四川知縣。歷署長寧、碁江、清溪、納谿、定遠、大寧。題補  
射洪縣。終合州知州。君所至有惠政。尤著於定遠。射洪。初定遠  
饑。君周行村社。訪問疾苦。賑濟吏役無私。後定遠又饑。君已由  
大寧補射洪。定遠人赴省具呈請君曰。願借陳侯一年以救活  
○者○何○畜○仙○九○之○別○  
百姓。射洪人聞之亦具呈曰。此我侯也。不能為他邑借。大吏以  
格於例。諭定遠人定遠人泣涕而去。擢州牧。引年告歸。以疾卒  
於旅舍。壽享七十歲。吾邑以為君之居官無愧其先世云。

綠野齋前後合集 卷六

五

論曰。君之德政。樂陵賈良山墓誌詳矣。姑第著其係民思者。吾  
邑循吏。前數二劉一宰。慈利病求去。民至為吮癰。一宰南宮。歸  
後歲數百人至其家。候起居。吾師韓理堂先生罷來安時。士民  
攀轅相屬於路。如君者。又理堂先生後一人也。古曰。在昔昔曰  
先民其將。何以景行於君哉。

循吏無限政績現於紙上 兄時齋

郭氏姑節孝傳

余郭氏姑。從祖吉士公女。年十八。歸澤遠郭公。八年。澤遠公卒。無子女。姑慟絕。既斂。無戚容。衆窺有異。志環伺之。投繯者再。救得免。奴婦責之曰。汝夫死。王舅姑與姑在。婦無死理。且烈易爲也。汝欲爲其易者乎。姑卽起。盡哀。閱二十八年。以夫兄子有善。爲後。姑愛之甚。有善亦孝謹。嘗謂之曰。富貴天命。未亡人無福堪之。但無之。菽水足矣。有善之棄學。爲買自此始。有善精書法。喜畫。寄情山水。所輯書多。修養出世之術。朝夕娛吾姑。家雖不豐。母子歡對。有隱逸風焉。嘉慶丁巳。姑卒。年七十有八。蓋距澤遠公之卒五十二年矣。邑人上其事於宰。題節孝字。榜其門。

綠野齋則後合集 卷六

聖

論曰。自余曾王父來者。姑母五人。郭氏姑居長。早失所。天悲夫。余之生也。韓氏姑已先亡。亡者可哀。郭氏姑之生者難矣。先叔

陳云加

倍感絕

父青藜公之女。歸陳氏。夫死。逾一歲。殉夫已。

旌者。堂姪函綱之姊。陳氏婦未。

旌者。譚氏婦。堂兄大章女也。於姑爲姪女。姪孫女焉。嗚呼。吾祖宗之家教。亦於是見矣。

真本色文字 陳其山



貞女高氏傳

高氏沂水農家女。幼許字趙氏。父卒隨母養朱家。非志也。未婚。趙氏子亡。女日哭。其父偶出。遇趙氏姑。求偕去。母尋至。恚甚。女痛日。父命兒歸。趙氏也以死誓。淚血交下。母不能奪。趙之族爲立嗣。既成人。歲時遣墓祭。必令祀其外祖云。

陳云議論的確

論曰。女未成。婦夫死於義。可不守。然譬之有國家者。伯夷遵父命。至餓死。不悔。彼何嘗援天倫以自解哉。貞女出於農家。未習詩書禮義之訓。當趙氏子之亡。女惟日哭其父。是其心惟知有父而已。天下奇節異行。固必至性有過人者歟。嗚呼。此事之變而中禮者。貞女之父爲不亡矣。

綠野齋前後合集

卷六

四

哭父以致哀。其夫亡於禮者之禮也。著筆深隱妙有章法。陳其山

韓致堂先生小傳

余同邑友韓子名通儒字致經少孤與孀母相依爲命補博士弟子員以事母絕意鄉試家窶空竭歷供甘旨未嘗館於外有願從學者則就之教人先品詣次文章母歿來京館陳偉堂學士家暇則過余談古文詞先是吾邑韓理堂先生與膠邑法鏡野昌樂閻懷庭以古文著號山左三家理堂先生歿文幾散佚致經哀集成編陳偉堂付梓余性喜作論辨碑銘每一藝必宣示於人致經勵精二十年索其稿但遜謝而已余勸之應試不聽

論曰邑先民王梅樵王訥庵將試於鄉聞當事者無待士禮遂

綠野齋前後合集 卷六

夏

止閭懷庭爲之傳稱灘多隱君子前有楊石民蔡漫夫固不論獨論二王嘗至所居柴家莊高柳寒泉映帶茅舍稱其爲人致經僻居傍城西門余曾冬夜過訪雪稜稜下從窻窺致經端襟危坐嘯歌不輟其著作雖不顯於世譬如珠光劍氣終必耀淵騰斗非人之所能闕也殆與二王異矣

好學不近名自是高士無多筆墨意態翛然

陳其山

陳錫疇先生小傳

余邑陳錫疇先生。無字號。錫疇其名也。喜放誕。言多無稽。精青  
烏術。吉如操券。違之則不利。家赤貧。富室屢謝以巨金。笑弗受。  
人以其喜放誕也。疑爲妄人。以其精青烏也。疑爲奇人。以其貧  
而却巨金也。駭怪不知爲何如人。吾邑去卽墨三百里。山有大  
嶗。小嶗迤邐。延袤到海隅。古諺云。太山自云高。不及東海嶗。世  
傳多仙人往來其間。先生欣然往寄居。上清宮。歲餘。忽歸。自詡  
遇仙。得道。嘉慶己未冬。天微曙。余以事訪先生於家。破扉半閉。  
風寒甚。雪下三寸餘。先生和衣卧。風雪中。熱氣蒸蒸。上鼻。鳴如  
雷。余大驚。推之起。意爲偶然。後聞其常如是。今年七十餘矣。

綠野齋則後合集

卷六

真

論曰余邑自

國初至今百八十年。未嘗聞有異人。惟先生多異跡。或累日不  
濯面。或終歲不櫛髮。鬚連兩耳。眉宇間象山癭。中年嗜酒。四方  
求相地者盈門。必積善之家。乃應。應則受謝。以酒。余嘗以京中  
佳釀遺先生。聞近已斷酒。放誕仍如昔。其往來二嶗。遇仙與否  
未可知。然養生必有異。後之續縣志考先生遺行者。此其實也。  
人奇自然。文奇筆力卓然。陳其山

族兄聲聞先生小傳

兄諱炳文。字聲聞。篤於孺慕。父卒哀毀幾殆。與母氏同卧起。嫂孺人備茶湯而已。家極貧。子弟業賈無私財。計口授食。有菜色無怨色。期功總麻同爨。親串居者亦同爨。族中每宴集。見有恂謹善下者。不問知爲兄之子弟也。先是。兄世父先登公。以篤行著。王父嘗曰。密友聞衣。族子劉岸。聞衣李姓。父歿守主。終身不入私室。岸卽先登公名也。及門時。孝廉峒爲立傳。孝友蓋其家風云。

簡潔有法

陳其山

五先生小傳

翱七歲從堂兄授經。兄諱鴻文，號大章，喜翱聰敏，加倍督學。翱私以爲恨，兄言讀文必目之所見，皆此文，乃得其精。翱既長，試之果然。事父母孝，母治家奢，兄以邑庠生作典商奉養，母呼爲臧錢樹兒。兄弟四人皆賴兄維持，賦性灑落，雖斷炊無戚容。族中有疑難事，先君必與之議，嘗曰：吾家二文一爲族兄，炳文一卽大章兄也。年七十卒。

王先生諱鶚，表號雲陸，邑庠生。翱從之七年，先生善詩賦，工畫。畫林以三爲叢，畫雲霧以排筆，用濃淡墨，詆之者曰：三株樹，一筆烘，今閱之實具咫尺萬里之勢。先生衣敝袍，必加外長服。夏

綠野齋前後合集

卷六

頁八

則衣衫盛暑，毋袒衣，卧未嘗見皮膚。年老解館，門弟子斂貲爲養，有吝者，衆勸先生宜強之。先生曰：師弟情誼，如在何強之爲？八十餘卒，門弟子賻以葬。

于先生諱鴻，號仲介，邑增生。翱從之四年，翱十七歲，文始成幅。先生奇之，曰：異日不但取科第，當以文名世。每課日，設殺酒，先生閱至得意處，目動筆搖，評畢，浮一大白。吾邑多富家翁，同人過訪先生，偶侈其園囿池沼之盛，先生大笑曰：彼豈能如吾輩作文之樂乎？鄉試親戚助金，不受，自負笈至濟闈，畢回渡淄水，買石曰杵荷歸，識者知爲壽徵。年七十餘卒。

郭先生諱去非，號復堂，邑廩生。曠達不羈，經史子集過目不忘。

喜古作薄制義。每白眼看同輩。文宗師某按萊郡。下學先生講。君子不器。宗師怒。使講仲尼祖述堯舜章。先生引據廣博。逾一時辰。弗輟。宗師問。生從何處得來。先生舉手對曰。從御纂周易大小象傳看出。宗師罷講。翱從學。先生閒說水滸傳。口講指畫。背誦不錯一字。府縣考先生觀榜。數百人皆能記其名。子弗克家。先生作詩云。朋友誰哭墳上草。嗣兒早賣篋中書。年五十餘卒。果如其言。翱擇其制義二首入山左文鈔。

薛先生諱輔。世號萊峯。壽光縣舉人。任掖縣教諭。翱長兄漢儀舊從學。截取知縣待選。先君延教翱等。先生評翱文曰。筆力近蘇。遂授翱以左國馬班唐宋八家文。翱之學古自此始。嘗自嘆

綠野齋則後合集

卷六

夏

少從韓理堂師。專攻古文。大家久恐不合時宜。沉沒於墨卷。期中進士後。再肆力於古。乃九上春官。不第。始知詭遇者不必遇也。選甘肅秦安縣地瘠民貧。先生撫字宦况。蕭索從之。任者謂如此。何如居家。先生不答。邑民祝先生壽。謂邑有賢侯。必先年豐。今五穀登。而薛侯至。百姓之福也。令三年卒於官。年七十。

論曰。翱在濰陽書院。師韓理堂先生。高觀甫先生。翱一序其文集。一爲作生傳。故特譔五先生堂。見大章先君所重。其棄學爲賈。以養母故也。郭復堂先生。近於狂。狂者不可得矣。王于二先生。殆狷之流。亞與然皆無所表見於世。薛萊峯與高觀甫。同爲韓理堂及門。韓理堂治來安。入名宦祠。先生德在秦安。其淵源

有。自。來。矣。

余所從學先生未有稍乖品行者今爲之傳不勝先民之慕  
自記

讀此令人慨然於師弟之誼師道之尊論尤簡括

王霞九

綠野齋前後合集

卷六

享

維邑戚友小傳

陳君景賢。余授徒時舊主人也。弟繼母所生。父患病。景賢掌家。計繼母恐異日侵漁其弟。數以析居言。父曰。景賢孝罔害病革。又言。父曰。余近日付之千金。如果匿而不言。析居可也。繼母頷之。父卒。繼母欲分產。景賢謂弟幼無各業理。且父骨未寒。母氏在堂。忍爲此乎。繼母弗聽。景賢求戚友共勸。仍弗聽。景賢泣涕受命。呈籍父所付千金在焉。繼母自責曰。果如兒父所言。從今財之出人。余不問兒。亦不必告我。卽餓殍無悔矣。遂弗析。景賢備極奉養。撫育孤弟成立。父卒時。僅小康。景賢勤儉。居積致富。繼母卒。哀毀如生。母年六十餘。乃與弟析居。終其身無間言。

綠野齋則後合集

卷六

聖

張君小南。與余同視席。其叔父季女。卽余子婦。故尤親密。小南家先窶。父含光爲商。漸豐裕。生三子。小南居長。繼母生二子。叔父生二子。合居分爨。計日授食。小南以優貢考。教習至京。余謂汝家財產皆尊甫精力所置。且食指衆。異日與叔各業。不平。乃平小南。候補河南令。歷署縣。皆有官聲。至有代理縣。僅五十日。民頽曰。五旬青天。以父病告終。養廉餘皆歸公。父卒。不作佛事。戚友以爲異。繼主家政。期功弟。唯唯聽命。維城善舉。無不與。尤恤族中孤寡。服闋事。繼母不復出。授日照縣訓導。乃聞其析居兄弟五支。均如余在京所言云。

丁君春塘。余內子。無服族兄也。捐員外郎。工部行走。一弟庶出。



家巨富。父權子母。負欠者衆。父卒。春塘家居。計畫十餘年。乃得完嘗。謂余弟幼。余不能不力。若長問。父遺產。余何辭。以對。生子三人。年過五旬。始析居。弟念兄之勞。以三之一讓於兄。戚友善。其兄並贊其弟。病危。值歲大祿。遺囑其子。捐制錢萬緡。煮賑。紳富相繼輸。是歲饑而不害。今年庚子科。余在雲南藩署。閱山東題名。子名垣。得中。咸謂春塘救荒之報。天道不遠矣。

康君聖範。余授徒時舊主人也。兄弟三人。長兄業儒。仲兄爲人。作典舖夥。聖範獨自生理。善居奇算。無遺策。白手起家。兩兄皆取給於聖範。歲有定額。聖範半外食。猶自減家中糧。父年高。長兄與嫂服事。歲給豐裕。外必攜珍膳供父。兄嫂食餘。親戚乞貸。

綠野齋前後合集

卷六

聖

歸善於長兄曰。余知其不歸還。乃兄命不敢違耳。生三子。長兄一子。仲兄一子。長兄卒。猶合居。仲兄病。乃知其家資數巨萬。集子姪命之曰。余家皆汝叔父經營。異日不宜均分。况其子多乎。逾數年。乃析。聖範得其半。長支二支。得其半。

論曰。孟子七篇。首禁言利。利者衣食之源。亦爭奪之本也。學者坐誦詩書。以羨餘補不足。乃尋常之事。無足道者。言之匪艱。行之維艱。苟非其人。簞食豆羹。見於色矣。如四君者。景賢臨財。不苟。至能感繼母回心。鄉黨推爲長者。長者可多得乎。小南之作。令春塘之救災。一爲循吏。一爲好義。其居家兄弟讓財。有以也。聖範雖邑。詆其計財過精。彼爲商賈。烏庸苛責。要其不自私不。

惜○勞○兩○兄○之○子○孫○皆○食○其○福○加○於○人○一○等○矣○  
均庸行事而性情作用具見其中得此表章可補入小學家  
範懿行條中與前析著論可以參看 王霞九

綠野齋前後合集

卷六

皇

程符高觀甫先生生傳

○周○云○從○題○中○程○符○著○筆○有○學○山○萬○壑○赴○荆○門○之○勢○  
○濰○城○之○西○南○數○十○里○薩○奇○迺○萃○峯○之○挺○秀○特○出○者○曰○程○符○山○山○  
○有○精○舍○吾○邑○韓○理○堂○先○生○嘗○偕○昌○樂○閻○懷○庭○先○生○讀○書○其○中○學○  
○者○高○理○堂○先○生○之○德○與○程○符○俱○高○歿○後○合○祀○懷○庭○先○生○於○山○名○  
○先○賢○祠○山○之○下○有○高○氏○村○高○氏○學○理○堂○先○生○之○學○者○曰○觀○甫○先○  
○生○學○者○尊○觀○甫○先○生○之○德○與○理○堂○先○生○並○稱○之○曰○程○符○高○觀○甫○  
○先○生○先○生○名○守○訓○號○拙○齋○觀○甫○其○字○也○弱○冠○補○博○士○弟○子○員○理○  
○堂○先○生○一○見○曰○此○奇○才○也○老○夫○襟○懷○當○傳○於○子○爲○文○縱○橫○奇○變○  
○於○制○義○入○金○黃○之○室○於○古○文○近○三○蘇○乾○隆○甲○午○得○副○貢○丙○午○領○  
○北○闈○薦○癸○丑○成○進○士○嘉○慶○庚○申○選○江○蘇○宜○興○令○其○居○官○行○政○一○

綠野齋則後合集

卷六

葛

以理堂先生爲法理堂先生令安省來安去今已五十年士民  
顛請大吏入

奏祀名宦祠先生令宜興士民亦送生身祠位立於果利廟中  
宜興漕務極弊先生至民爭輸曰吾侯不用假斛先生聞之笑  
曰有部頒鐵斛在卽加兌費亦當明示有用假斛者乎除積匪  
路祖林萬三等而盜賊息杜請託絕賄賂理積案而獄訟平嘉  
慶七年自五月不雨至六月苗盡稿先生步禱城隍廟雨立降  
同官皆歸德先生先生謂理堂先生官來安值亢旱疏十大罪  
告神求加災於身余則多辜幸獲神赦耳閱二年方鳩工庀材  
修東坡蜀山書院以父艱去官道光六年翱自中書選江蘇太

湖同知。至程符山請先生訓。先生曰。余不足法。當法理堂先生。通物理。順人情。理堂先生之教也。翱拜誨太湖濱。宜興界。翱以巡湖至其境。父老問先生起居。翱告以年八旬。精神矍鑠。父老喜。且愕。來安令劉君廷槐亦以書投余。曰。自爾邑理堂先生官來安後。難乎爲官矣。蓋兩先生之遺德餘澤。猶在江淮間。先生既家居。講學程符山四方之士。從先生遊者必告以窮達命定。妾婦之行足羞。先是閩懷庭先生自吏部考功司主事歸理堂。先生罷來安歸。皆不復出。先生師事理堂。故急於講學。淡於仕進。吾邑不少致身通顯之士。推明德必曰先生。士之入先生里者。車必下。不下不敢過。先生門今年秋。撫軍令州縣各舉邑之

綠野齋前後合集

卷六

臺

者德碩儒。以勵風俗。邑侯舉先生。先生辭。邑侯曰。惟先生克協學者。亦咸曰。非先生莫能當。翱當嘉慶壬戌癸亥。從學壽光薛萊峯師。師亦理堂先生高弟。因程符爲漢公孫宏讀書處。作詩云。吾鄉前輩風流在。應免移文笑北山。蓋指懷庭理堂兩先生。以譏公孫氏時。先生猶宰宜興。不知理堂先生之後。免移文之誚者。又有先生在也。先生雖大耋時。率子姪登程符山居精舍。談理堂先生昔年故事。曰。此間有真樂。吾歿世後。魂魄猶戀之。余謂先生歿世後。學者當與理堂懷庭兩先生並祀。爲三賢云。論曰。昔歐陽永叔嘗傳徂徠先生矣。徂徠魯之望。士非卓然不可磨滅於世。必不能與山俱存。吾邑無大山。陟彼程符高。觀甫

先生○在○焉○儒○者○敬○其○人○則○稱○其○里○居○見○先○生○如○見○韓○理○堂○先○生○  
周○云○想○入○雲○際○  
翺○讀○理○堂○文○集○慨○然○謂○百○年○後○將○有○尋○閭○韓○之○故○迹○者○此○以○見○  
先○賢○之○自○立○並○逆○知○茲○山○之○待○已○而○不○朽○也○嗚○呼○難○哉○

先生居家處鄉里事跡皆可記余兄弟從先生學此傳臚寫

高山景行之意故不多歷事跡

自記

此文從史公合傳諸作得來寫高先生並寫韓理堂先生賓

主交相發明縮映處自然神妙

周芸泉

發端正是生傳體入題處省無數筆墨以後縈拂無不中節

王霞九

起伏澗洄紆徐委曲是先生慘澹經營之作

莊年

先奉政府君狀畧

府君諱濟川。字劍青。號說巖。庚申舉人。歷署壽光。淄川。鉅野縣教諭。

誥贈奉政大夫。生於乾隆十七年十月初二日寅時。卒於嘉慶十四年十月初十日申時。享年五十有七。配先妣張太宜人。先繼妣郭太宜人。庶妣吳孺人。前明始祖諱証。任濰北鹽場大使。將仕郎。庶政。兼理縣丞。遂著籍。孝友傳家。曾王父禧公。府君與壽邑郝姓同貿易。歲分數百金。後以事高。王母于太孺人辭焉。曾王母裴太孺人。九旬告終。王父太和府君。猶哀毀成疾。作自記。訟過一篇。府君皆恭記。族譜傳中。府君王父次子。廬峯先世。

綠野齋前後合集

卷六

墓

父青藜。先叔父皆王母于太宜人。生府君。生王母王太宜人。生少事王父母。皆能得其歡心。王父卒後。生王母得汗疾。府君不解衣四十日。先妣張太宜人亦減食踰月。時世父持家政。兄弟無杪忽間。世父暴卒。內外患迭起。家室飄搖。府君撐當數年。危而復安。後析爨。舉田宅之厚者。以予兄之孤子。而以薄自予。乾隆辛亥。與叔父同遷居。治室於宅之西偏。曰旣翁堂。誌親愛也。尤謹於祭祀。數日必省墓。視圯壞者。修治之。堂兄伯元。舊分祀田數畝。因家落變賣。府君乃復置田十四畝。有奇。後因不肖。偷典稟官立碑於圩歲時。合族人祭掃。陳述先德。族中有疑難事。必悉心經畫。其能學者。誘掖勸獎。使底於成。而後已。貧乏者周。

以粟急難者持其危。貧而喪者助之棺。葬而無地者予之田。府君之歿也。族兄炳文率族人作文祭曰。而今而後有事誰爲之。君有子誰爲之。教有貧乏誰爲之。賙有急難誰爲之。持有貧而喪葬而無地者誰爲之。恤以一人之存亡。關一族之盛衰。嗚呼哀哉。相與痛哭失聲而散。府君篤於師友。幼從學同邑魏萊峯先生。萊峯家貧於其終也。以近村之田數畝與焉。其子孫至今是賴。府君援川楚例授廣文。署淄時同寅尙姓卒。其子扶柩回籍。平日諸生有借尙姓財者。聚而歸諸學。且曰。彼已歸矣。用之可也。府君曰。吾素不欺生者。忍欺死者乎。遣伴送諸其家。往返幾千里。時副學費城尹姓。猝得奇疾。子二人悉不在。署府君爲之延醫。斟酌湯藥。往往至夜半。代印者至。尹姓戚曰。兄歸。吾何能獨留。府君曰。吾特署此耳。尹姓大慟。蓋府君歸彼已。離任回費矣。丁卯歲。鴻翱等在省。其子稽首稱謝。以道我府君之德。後署鉅。前寅病故。貧不能歸葬。學田所獲。悉以賙之。遺書鴻翱等曰。兔死狐悲。物傷其類。顧義在必爲。而受困殊甚。此不可使汝王母知。懸心千里外也。鴻翱與鴻翥兄秋捷。府君自鉅還。解囊中十餘金付之曰。汝父學囊盡於此矣。府君良田百畝。春耕秋穫。歲借佃戶數十金。至百餘金不等。後悉除之。乾隆丙午歲。大祲。道殣相望。佃戶待食者二十餘家。貸之千金。力不足。至典場園。以足其額。及歲稔。無流亡者。平日惠下有僕。王姓者。婚弗能。

娶爲之娶。有毛姓者。子弗能婚爲之婚。東村韓氏。鴻翱之乳母也。以年饑外出。其夫死焉。助其婿召還。後厥子成立。又爲之措辦旅費。治父骨歸埋。故土。故雖奴僕臧獲之賤言。及府君未有不感激流涕者。府君爲學篤實。不務聲華。作文喜嘉隆。因吾宗滄嵐先生作徵文啓。欲刻山左文鈔。不果。嘗謂苟彙爲一集。雖破產付梓。不惜自簡。存制義五十餘首。鴻翱等請鐫板。府君曰。爾等異日能成山左文鈔。擇以入焉可也。不能成。勿鐫焉可也。道光辛巳。鴻翱始克成父志。府君之病已已。夏。鴻翱與鴻翥兄舉進士。歸省。始知府君持手悲甚。鴻翱恐傷親體。強爲支說。以解至外庭。詢鴻翱。兄得病之由。沉疴已逾四月。兄弟始抱首哭。

綠野齋則後合集

卷六

晁

泣。六月少愈。九月不起。府君聰明特達。了然於生死之際。臨終之前。日猶與鴻翱等述往事。究世情。越翼日。始命曰。汝兄弟皆成立。吾復何憾。特汝生。王母在堂。虛生子矣。連呼生。王母數聲而逝。葬發科泉西南阡。子五人。鴻翥。丁卯舉人。已。進士。原任安徽蕪湖縣知縣。鴻翔。癸酉舉人。鴻翱。與翥同榜舉人。同榜進士。內閣委署侍讀。皆先妣張太宜人生。鴻翮。太學生。先繼妣郭太宜人生。鴻翌。先庶妣吳孺人生。女三人。長適郭氏。先妣張太宜人生。次適于氏。次適郭氏。先繼妣郭太宜人生。孫四人。鴻翥。娶周氏。生暉。太學生。鴻翔。娶譚氏。生曉。太學生。暉。出嗣堂兄伯齡。鴻翱。娶丁氏。生曦。太學生。曾孫四人。曉。生延慶。國慶。曦。生長。



慶篤慶男鴻翱謹狀。

字字肺腑流出不爲溢美之詞自足表彰先德此家狀正宗也。  
陳其山

用筆矜慎一種哀慕愛敬之意溢於言端此至性文字與瀧

岡阡表近矣。  
周敬修

綠野齋前後合集

卷六

享

例贈文林郎顯祖府君墓表

嗚呼。惟我王父太和府君。卜吉發科。泉西南阡。四十六年。歲甲戌。孫鴻翱官京師。歸省生王母王太孺人。踰四月。王太孺人壽終。享年八十有三。乙亥二月。合葬祖塋。叔父召鴻翱命曰。汝祖嘉言懿訓。汝父久欲刻石以汝生。王母在堂。未果而卒。汝其敬表前人。以昭來世。鴻翱承命。再拜稽首。獻曰。我劉氏自前明從諸遷。濰職司鹽大使。兼理縣丞。將仕郎庶政。傳十餘世。家道迭豐。殺要務詩書。敦孝友。故濰城號曰忠厚劉家。曾王父僖公府君。與壽邑郝姓貿易。歲得數百金。後以事高王母于太孺人辭。先父記族譜傳中。王父曾王父第三子。孫鴻翱生晚。未逮見。嘗緣野齋前後合集卷六

皇

恭讀王父自記。訟過一篇。王父少力學。弱冠失怙。伯兄仲兄。不數年相繼卒。由是廢學。理家務。奉養曾王母。裴太孺人。曾王母少食貧。冬臘猶衣葛。既豐裕。每絮言示子孫。勿忘艱難。王父述之。而泣。曾王母壽登九旬。告終。王父哀毀。迷而不醒者三四。食素菜。日僅一餐。既葬歸墓。形神傍徨。三年中。往往徹夜不寢。丁亥。先父與叔父婚娶。撫膺慟曰。兒女滿前。父母何在。遂歷敘曾王母鞠育。劬勞之苦。曾王父王母所以事高王母者。自怨自艾。逾年。竟以哀慕成疾。卒享年五十有七。悲夫。是後先世父先父叔父事王母于太孺人。先父事生王母。王太孺人一遵舊式。孫鴻翱等少失恃。實鞠養於生王母之手。已先父卒。鴻翱等孫

代子職六年。值家運顛沛。毫無善狀。坐視白髮勞瘁。未得享一日之安逸。而歿。讀王父訟過一篇。汗未嘗不發。臂沾衣也。王父子三人。先世父廬峯公。太學生。

勅贈儒林郎。王母于太孺人生。娶世母郭安人。先父說嚴府君。勅贈文林郎。庚申舉人。壽光淄川鉅野教諭。生王母王太孺人。生娶母張孺人。繼母郭孺人。庶母吳孺人。叔父青藜公。太學生。例封文林郎。王母于太孺人生。娶孀母譚孺人。女二人。皆王母于太孺人生。長適譚氏。次適韓氏。孫十人。先世父生三子。伯元。邑庠生。伯義。布政司經歷。伯齡。太學生。先父生五子。鴻翥。丁卯舉人。已巳進士。候選知縣。鴻翔。癸酉舉人。鴻翱。與翥同榜舉人。

綠野齋前後合集

卷六

臺

同榜進士。內閣中書。鴻翮。鴻翬。業儒。叔父生二子。伯蘊。邑庠生。伯英。戊辰舉人。甲戌進士。候選知縣。謬既成。叔父曰。是雖前人之一端。足以訓示後人矣。

卽養親一節言之生平已足。不誣其實。所以可傳。

陳其山

以子孫表前人不加粉飾。只標一節。最爲得體。

周敬修

子孫欲彰前人之美。往往增飾其詞。而不知已厚誣其親也。讀此表誌狀三篇。無一溢美語。陳子所以稱其可傳耳。

莊年

誥贈宜人王母王太宜人墓誌

嗚呼我生王母之育孫劬勞盡矣鴻翱兄弟五人姊妹二人而

三母母皆早世皆成於生王母手生王母育鴻翱同母若兄若

姊不以委繼母育繼母若弟若妹不以委庶母育庶母若季弟

不以委兄嫂當育鴻翱等年甫就衰也至育繼母子年近七秩

育庶母子年近八衰筋力憊矣他人育一己之子猶或不勝生

王母以衰老育三母之子何以能堪乎先君在日每自怨自艾

而無可如何也曰是余之罪也已生王母姓王氏王父奉政公

副室以孫鴻翱官累贈宜人生說巖先君王母于太宜人生世

父叔父世父娶世母郭安人世母宦家女不嫻作苦于太宜人

綠野齋前後合集 卷六

督責甚生王母皆陰爲代作世母年老述之猶泣叔父生時缺

乳與先君同乳而食生王母鞠之至長叔父每曰吾庶母子我

也王父臨終遍囑家人獨遺生王母生王母泣王父曰汝福量

遠大但勞瘁耳鴻翱等之勞生王母王父若預知之矣生王母

尤鍾愛鴻翱與郭氏姊鴻翱幼嘗懷之寢既受室猶視爲孩提

每姊歸甯鴻翱自塾歸必助談笑移時命之退乃退或當姊前

俯膝下以額砥生王母面生王母摩頂曰汝等皆汝父母所生

吾不偏護汝何嬌慣若是姊指鴻翱曰弟失母時甫五齡今固

宜爾也生王母好容忍孫婦過喜者乃役使譴責之鴻翱婦或

被責婦喜鴻翱亦喜生王母度先君將入則端坐以俟甫出卽

與孫婦輩同操作。鴻翱私切責婦。婦曰：生王母之好勤，非婦之所能代也。君之所知也。先君苦求節勞，生王母曰：吾能勞，是精神猶健耳。兒宜喜，反以爲憂乎？生王母數以甘旨食鴻翱等。必先遍嘗，曰：余食矣，此其餘也。我樂視汝等盡食。先君嘗製一華衣，生王母曰：汝嫡母未之服，余何敢服？先君退而太息。鴻翱與鴻翥兄成進士，冬進裘。生王母一服，卽易去。鴻翱曰：今與昔各一時也。孫等作官衣錦，而生王母澣濯於心，何安？生王母曰：人之衣食有定節，省之可以長年。故生王母終身未嘗服美食。美食也。鴻翱年二十得疾，生王母至齋食以禱。鴻翱知之不敢問，亦不忍言。嘉慶壬申，鴻翱服先君服闋，將赴補。

綠野齋叢書

卷六

喜

蔽省。跪持生王母手。生王母言笑自若，曰：暫離何妨？三年三告歸，皆先期至。生王母已倚門望矣。至甲戌，鴻翱乃悔無及矣。當己巳冬，先君病不起，呼生王母曰：兒以多子累母，兒又不能終養，此其責在諸子矣。鴻翱等頓首涕泣受命。自是生王母減寢食，消肌膚，侵尋閱六年。甲戌十二月初七日亥時，遂遭大故。距生於雍正十一年九月二十六日申時，壽享八十有三。乙亥二月十九日，與王父合葬於發科泉西南垵。鴻翱等孫代子職奉事，無狀實未有以報生王母一日劬勞之恩，以對先君也。悲夫。生王母子一人說巖先君庚申。

恩科舉人娶妣張宜人。繼妣郭宜人。庶妣吳孺人。孫五人：鴻翥、

丁卯舉人。己巳進士。安徽蕪湖縣知縣。娶周氏。繼娶陳氏。鴻翔。  
癸酉舉人。娶譚氏。鴻翔與翥同榜舉人。同榜進士。內閣委署侍  
讀。娶丁氏。皆張宜人生。鴻翮。太學生。娶郭氏。郭宜人生。鴻翬。業  
儒。娶譚氏。吳孺人生。孫女三人。長適郭氏。張宜人生。次適于氏。  
三適郭氏。郭宜人生。曾孫四人。鴻翥生暉。娶陳氏。鴻翔生曉。娶  
王氏。暉出嗣堂兄伯齡。娶陳氏。鴻翔生曦。娶張氏。元孫五人。曉  
生延慶。國慶。曦生長慶。篤慶。暉生德慶。孫鴻翹謹誌。

情至文生。樸如粟帛。實精如珠玉。無意求工。而字句極工。無  
意爲古。而氣息極古。與同懷堂記並傳不朽。陳其山

作者之文本如菽粟之有真味。此則杼寫至性。至情尤見脆

綠野齋前後合集

卷六

臺

摯張士齡

字中有淚筆底有神閣雨帆

安徽蕪湖縣知縣漢儀先生家傳

余兄漢儀先生諱鴻翥先君長子次鴻翔號時齋次卽鴻翱母張太夫人生次鴻翮繼母郭太夫人生季鴻翬庶母吳孺人生張太夫人見背時翮甫五齡先生尤加愛憐先生質魯好學師堂兄大章書不熟不四鼓不睡甚至達旦大章斥之曰世間無如此讀書法被汝吟哦無夜得安枕先生愈奮發既遊庠先君爲之擇師壽邑薛萊峯程符高觀甫皆韓理堂高弟學博而文醇門下多齊魯知名士先生既得良師友有所得必爲余講貫雜俗臘月半罷讀先生伴余讀至除夕乃罷故余學問之成得先生砥礪之功多嘉慶丁卯與余同領鄉薦已巳同成進士余用中書先生候選知縣是冬先君棄養大事畢先生主家政遺田不滿百畝余念宦京定耗兄弟財不如各業兩弟幼用儉暨婚娶可小康先生不可余曰合而分不如其分也分而合不異乎合也先生曰雖然弟幼無分理故終先生之身余兄弟同財產壬申余赴補

徽省囊告罄將呈請部改歸班先生投余書貧窮命也不安命定非佳士余乃止戊寅余典試湖北先生喜攜鴻翮來視余余留鴻翮已卯先生以余故同妻孥來余下值課子姪與先生談論逮夜分每成詩文先生必諷誦再三樂不減昔年家塾時庚辰選得蕪湖留子暉從余學獨與時齋兄赴任先生爲政慈祥

與百姓休戚相關。百姓亦愛戴。道光二年壬午。新任中丞自矜精明風厲。適邑中捐職數大姓。因貿易被仇造作土豪名字。授中丞署中丞命先生窮治其事。先生鞫之無實。中丞怒命太平府督同鞫。鞫與先生無異。中丞愈怒。當是時。蕪城關廂內外。衢巷張貼冤詞。幾遍中丞。怒不解。劾府與先生無能。府引疾先生改司鐸。擇候補縣武斷能治獄者。授以印曰。獄不成無相見。至則排列五刑於庭。將用三木。闔邑鼎沸。衆家老弱婦女焚頂。燒指。日夜呼號。懇諸神令暴卒後任懼不敢復訊。中丞亦不復追事。遂寢中丞問先生怨乎。讀書人作縣令不如作廣文。先生拜謝而已。蕪邑水陸交衝。先生因廉俸不足。借官帑。士民作公啓。

爭輸補先生虧。余爲之記。先生之歸。士民作送行詩百餘篇。攀轅流連。余爲之跋。癸未冬。寄余書。謂官雖罷。兄弟之樂可復得。期就余京寓。甲申正月。忽遇疾卒。享年五十七。余驚痛命鴻。翻暨子曦回家會葬。且焚書告先生兩弟。皆成立。公同析田宅。卒先生之志。或曰。先生作事近迂。先是維乾隆年間。有殷戶喪事。違制官居爲奇貨。幾敗家。先生令蕪時。某甲控某甲。銘旌不合式。且稱彼家私億萬。先生持其詞手顛。觸灘殷戶事。不覺墜淚。署中上下皆竊笑。謂不貪財可也。何至爲富家哭。余曰。此足徵先生心。田食報其在後。人乎。越八年壬辰。璋果得舉。時余守徐州。始聞之喜。繼而悲。思念先生不置云。



論曰先生宰蕪邑有舉孝廉方正一事源委載諸記故不復詳。史云循良之吏。幙幅無華。日計不足。月計有餘。古人自註。下考。余由中書洊陞福建巡撫。嘗恐屈抑循吏。一誤不可復挽。彼先生之事。其明監矣。

前一段寫讀書之迂後或曰一段寫作官之迂自然映合是此傳用意處自記

太史公傳汲長孺無往非鷺直此傳無往非迂拙不迎合上

官正拙之不可及處王霞九

### 附家乘記漢儀先生改官

余兄漢儀先生通籍後令安省蕪湖鞫獄惟研訊不忍加刑民感之訟亦哀息邑當水陸孔道前任以虧敗先生儉苦自

### 綠野齋前後合集

### 卷六

稟

度合二年亦累疊道光元年

詔舉孝廉方正或曰此利門也可以補虧先生曰世有如此之孝廉方正乎採輿論舉之其人以艱於旅費辭先生典衣助其行上憲聞邑有土豪先生鞫之無實委員同鞫將鍛鍊先生曰吾不能殺人以迎合上上憲怒勒先生辦事迂鈍改司鐸案卒如先生言先生既改官余甚憂虧先生以士民啓投余且曰兄無才德而民情如此兄愧民多矣啓曰蓋聞令歸彭澤每索米而無嫌守去會稽嘗持錢以爲贈前賢不遠爰著芳型後世相師宜敦古道惟我前任邑侯劉老父臺山左名家濰東巨族爲名進士登龍江墨綬翩翩載臨鳩水惠選值庚辰之歲青旌裊裊乃湖龍江墨綬翩翩載臨鳩水惠鮮庶類民無敵扑之究培植羣材士有品題之樂擬仁心於叔度不同昔也無孺想惠政於廣平可謂春之有脚詎意官如夢短嘅伯道之難留欠比山多嘆允明之有累清風蕭瑟宦味可知中露徘徊歸途更窘我等素承撫字久仰慈祥既不能借此寇君亦何忍困予杜母惟願情殷解蒙義過指困俾償公事之宿逋庶盡部民之微分無德不報自符來譽之占有誠必輸用代去思之記

### 附家乘蕪邑送別詩跋

附錄警句有云伯龍循吏最猶以一錢名公更無餘物  
人何半坐迎沽春衣質庫儲屋牀爲楹江水深千尺難  
同宦橐清 敦俗在農桑辛勤勸南畝民有困必甦民  
有爭必剖官署倘懸魚白金焉肯受休屠藉蒲鞭愛民  
如愛子生佛供萬家民皆大歡喜 父老祖道左攀車  
涕泗垂何當再此來如失嚴與慈 犬吠不聞風近古  
牛歸弗校政希平三年化洽草生獄一縣春融花滿城  
庭閒雅合攜琴鶴屢廣恩兼及屋烏愛可克威真衆  
母仕猶勤學信醇儒 身處昇平心自適人如上古意  
無猜 慈父忽思三徑樂宦囊那問一錢無 楮岫樓  
頭頻 張望爲君秋思繪君圖

右乃余兄漢儀先生蕪邑贈別詩也先生罷官後投余以士  
民公啓余既爲之記旋里解橐得詩數十首將攜以北來視  
余未果而卒逾歲余姪璋遵先生遺命郵致於余余讀之不  
禁泣然流涕也先生嘗謂令蕪邑二載未嘗與民與一利除  
一害所可信者不敢以多事擾人今是詩邑人士何不忍別  
先生之深也嗚呼先生亡矣所遺者惟此而已余畧爲裝潢  
跋數語於後併前士民啓記歸於姪使藏之

嘉慶癸酉科舉人時齋先生家傳

余仲兄時齋先生諱鴻翔。先君次子。與長漢儀兄。郭氏姊。暨朝  
皆張太夫人生。太夫人見背時。漢儀兄已娶。兄甫逾十齡。郭氏  
姊與余皆幼弱。依歸生王母。每思母則兄姊同泣。余兄弟以早  
失母。愛憐甚長。兄讀書程符山。山去城二十里。夜得洩氣疾。命  
危須臾。先君聞之。驚駭馳往。肩輿舁歸。日夜人扶坐。兄不解帶。  
兩月堂兄大章偶代兄夜囑兄少息枕席。不施褥。睡忘曙。醒曰。  
余何困至此。兄今夜疾何如乎。先君督余兄弟讀書嚴。兄遊  
庠後。半使之司家務。使余與長兄專讀。先君患瘍症。長兄從師  
壽邑歸省。卽刻遺之去。余自塾日三問安。不敢少留。延醫服藥。  
調攝。惟兄一人。然每課期。猶責兄作文。佳則喜。少劣猶加譴訶。  
嘉慶戊辰。郭氏姊病。兄與余守視。嘗痛無母之故。雖盛暑不少  
倦。先君累躋春官。已居家。命長兄與余赴禮闈。先君病嚴。命  
不得寄信於京。榜揭。長兄與余同成進士。歸悉先君沉痾始抱  
首。哭泣自五月至十月。先君卒。長兄與余雖刻不離側。然兄自  
幼服先君役久。先君非兄不適。兄亦不肯使長兄與余少代也。  
癸酉。服先君服闋。兄領鄉薦。甲戌。生王母壽終。時家計窘迫。一  
切附身附棺。兄必求無憾。乙亥。余赴補中書。兄送余妻孥至京。  
是後每南宮試。必先期至。雖下第必遲歸。以余宦京也。庚辰。長  
兄選得蕪湖。兄從之任。逾二年。以與上憲爭邑中寃獄。改司鐸。

邑民作士民啓補長兄虧歌詩以送之兄投余書曰漢儀兄以此改官余兄弟榮多矣道光甲申長兄卒是時繼母遺一弟鴻嗣庶母遺一弟鴻翌皆成立始析產丙戌余中書俸滿外任太湖司馬兄以少失母先君棄諸孤後長兄又故髮垂白兄弟不忍多離偕來湖已丑會試余勸兄北上兄曰念吾祖吾父吾兄皆年五十七今余年五十九復何望乎余悲其意以余與妻應得。

誥封。

賜封兄奉政大夫嫂譚氏宜人。不復勸之進取。庚寅冬余擢守

徐州兄以年老家居丙申余由臺灣道擢陝西臬司兄以余杭

綠野齋前後合集卷六

五

海之故來視相依半載戊戌春余升滇藩兄始歸率季弟鴻翌

修祖塋族譜立先祠置祭田義宅庚子冬余升閩撫辛丑

陛見期與兄在山東路一見而兄竟弗至壬寅寄余書謂年來

多病壽至七十二已逾古稀余驚異竟以是年卒。

手足深愛溢於言表真情至之文也。

王霞九

敕授文林郎湖北鄖縣知縣堂姪函綱家傳

余小功服姪湖北鄖縣知縣函綱號史林堂兄玉崑次子堂兄

娶陳氏生丈夫子二女子二陳氏卒繼娶高氏堂兄卒函綱與

兄元謨依陳氏舅以爲生函綱少力學性簡直疎畧尙意氣嗜

飲酒與余同硯席壘中讌集醉者必函綱因早失怙恃言及世

間孤苦零丁傷心之事則顏色感變胸中牢騷抑鬱不平一寓

於酒事繼母孝前妻邵偶違母意立譴歸劬之父母愬於先君

先君大怒幾欲以家法處乃迎還其後母亦愛邵婦陳氏舅爲

置田四十畝函綱與兄各得其半函綱大姊適舅長子無嗣嗣

弟之子元謨爲甥管理家財月廩外不無貸欠甥索償償以田

綠野齋前後合集 卷六

臺

不足函綱併其田歸甥或謂函綱兄債無弟償之理無產何以

謀生函綱曰此本舅家所置仍付之舅家可也然自是貧愈甚

嗜酒亦愈甚戊寅領鄉薦每試春闈典寶一空時余官中書邀

之於京寓壬午成進士卽用知縣余勸之戒酒曰行當作吏恐

廢事函綱自詡無害未幾欲改廣文謂賦質不諧時且拙於理

財必受累余答以宦途鍊人情何患不諧姪家老屋數椽而畏

受累乎籤掣陝西厯署保安吳堡高陵治事之外日飲酒邑民

化之獄訟亦簡調蒲城蒲巨邑向官是土者取富紳之財助公

函綱不可署中沸然至譏爲酒徒醉不醒事終當餓殍死函綱

置酒飲幕友數巡乃言曰富與貧皆蒲民有所取必有所徇設

富○家○有○官○事○將○何○以○處○吾○豈○醉○不○醒○事○者○母○卒○於○官○解○同○寅○助  
賻○歸○葬○妻○孥○寄○西○安○及○營○葬○事○畢○仍○赴○陝○舌○耕○大○荔○王○令○與○之  
善○聞○其○至○喜○出○迎○行○李○蕭○然○二○驟○馱○巨○罈○四○云○得○佳○釀○足○供○一  
月○之○需○既○而○未○十○日○而○罄○服○闋○還○湖○北○鄖○縣○謁○大○吏○大○吏○謂○其  
不○嫻○儀○節○羈○勒○半○載○既○之○任○力○除○賦○穢○積○弊○鄖○附○郭○府○守○以○爲  
強○項○齟○齬○不○合○將○告○歸○觀○察○使○楊○公○以○增○苦○留○自○念○官○陝○十○有  
餘○年○囊○不○貯○一○文○錢○家○中○宅○亦○出○典○徒○欲○盟○心○百○姓○幸○陝○省○所  
遇○上○憲○皆○能○優○容○今○來○楚○乃○受○屈○抑○如○此○遂○感○憤○請○病○假○閑○晝  
夜○飲○竟○以○酒○卒○年○六○十○

論曰函綱知郎時余在陝西臬司任未嘗求余一言余知函綱

綠野齋則後合集

卷六

臺

之○介○亦○不○通○聞○問○也○詩○曰○抑○抑○威○儀○惟○德○之○隅○酒○誠○古○人○所○戒  
然○函○綱○事○母○從○兄○居○官○服○政○之○際○大○節○較○然○矣○彼○劉○伶○阮○步○兵  
之○徒○尙○隱○於○酒○故○余○於○函○綱○之○嗜○飲○酒○無○苛○責○焉○

嗜酒與嗜財不同嗜酒無害爲君子嗜財未有不爲小人者

余考函綱平生實無遺行故爲之傳

自記

醉勝人醒正非高陽酒徒所得藉口

王霞九

上

無名弟小傳

宋陸放翁詩云自慙不及東鄰叟。至死無人識姓名。余族弟取其義以命名。曰無名。無名弟少孤。母氏劬勞。既長。克盡孝養。兄無已嘗懷之。寢事兄如父。使妻事嫂如母。詬詈捶楚。忍受。妯娌間之所無。家貧。廢學。精醫理。以黃帝素問爲本。參以唐宋名醫諸說。攻去其疾。而元氣自復。雖大痲。求醫者踵門。日夜無片刻閒。余藩滇。用其所製成方。治瘴癘。全活幾千人。因不多用。參著富室。往往不敢嘗其藥。性狷介。未嘗絲毫有干於富室。故富室延請亦不至。余嘗謂無名弟富貴者。以勢位驕人。貧賤者。以才藝驕人。皆客氣也。由是富貴信之者。亦漸與之。醫胸中博洽。評

綠野齋前後合集

卷六

壽

騭古今人物。刻畫世情。俗態莊言。雜以諧語。聽者無不傾倒。故所至之地。人不但服其醫。兼喜與之談。少慕方外之術。號東紫。往來卽墨大小二嶺間。與羽冠緇衣遊。無所得。乃歸。從余大功兄伯蘊。令四川。猶希慕峨眉之奇勝。余撫閩。召至署。暇則陶以學問。使知聖賢倫常。外無他道也。夫木以華自耗。火以燄自滅。金以鋒自缺。石以鑿自剝。水以漲自溢。土以塿埴自虧。名者物之賊也。然而世多知無名弟者。已不如放翁之東鄰叟矣。

論曰。余曾王父時。有作梅祖。曾王父修族譜。作梅爲序。王父時有先登伯父。及門時。孝廉。嶠爲之傳。先君嘗曰。吾家有二文。一爲族兄炳文。一爲堂兄鴻文。余記其孝友。今二文亡矣。繼之者。

其在無名弟乎。

綠野齋前後合集

卷六

臺





祭張觀察鐵嶠文

代

嗚呼君乎。天竟使君止於斯。余之庚申同譜六十有九人。惟君之才畧爲最奇。中厯屯否十年。始一第遊翰苑。主文詞。誰知不得久居蓬島與瑤池。而君之精明幹鍊。遂獨著名於西司。君之折獄晝鞠。夜思鑒如神。謀鬼卜。迅如雷。震風馳。階下之纍囚。雖死猶服其祥慈。君之立身。白日青霜。鐵面無私。篤交情。敦友誼。未嘗不患難困苦之共持。一載常德守。用和厥師。聞君赴閩之日。紳士祖道。鄉民扶老攜兒。競陳酒卮。自堂堂至於江涯。三月汀漳龍道。旋以舊案赴京師。公過褫革。不過老驥之一蹶。尙望不永棄於清時。夫何一官之甫去。而君之身亦與世而長辭。嗚呼。呼君乎。君之先贈中憲公。令肥鄉大名。遺愛載口。碑其亡也。並無一瓦一隴。以相遺。君厯官中外。十有六。其棺斂衣衾之費。猶至知交朋好之是資。視先世之清德。夫寧或愧茲最足悲者。君之老母遠隔萬里。舟車茫茫。今何之。此君身後之遺憾。豈云瞑目而無知。猶可幸者。爲善者必有後。君之三子。終成瑤桂。與靈芝。而吾等之傷感而涕洟。痛君爲同譜之偉器。胡不得竟其施。嗚呼尙饗。

簡而切 陳其山

綠野齋前後合集

卷六

真

誥授奉直大夫分發兩浙鹽運司運副徐君墓誌銘  
太湖洞庭兩山醇厚敦龐之氣之所鍾毓富而好行其德者多  
矣最著者

國初爲席太僕今爲徐春帆道光丙戌余承湖謁太僕慕閱其  
碑誌考其懿行雖世遠年湮不勝企慕恨不得生同時與之遊  
及得交徐君春帆不復思太僕也春帆諱學弼字震東春帆其  
號也援例得鹽運司運副世居東洞庭湖沙村代有隱德祖諱  
絢祖妣氏葉繼祖妣氏萬父諱文璿妣氏周繼妣氏嚴皆以春  
帆貴

贈如其官春帆少食貧偶游浙中寺遇異僧目之曰君財星降

綠野齋前後合集

卷六

墓

世能出能入異日當以五百金天燈杆布施後悉應余司臬關  
中贈序曰君禮之所謂積而能散者也白手致富宗族之鰥寡  
孤獨里黨之貧苦顛連日待以舉火者數十家矣憶丁亥春君  
將赴都謁選余謂運副職司運鹽耳何如爲政於家至袁江卽  
折回盡以謁選之資置義田是時余謀增仰雲書屋膏伙君與  
前司馬羅公琦之所創建也士子經費缺故君倡紳富益之繼  
而陶雲汀中丞有積義穀之命君爲首成萬石折價分諸典商  
子母相權太湖周圍八百里山民至蘇由鵬鶚河河塞乃由山  
直達木瀆涉四十五里風濤之險余議濬工費用重有不足願  
一人獨任旣濬河凡山中水田之淤者皆濬又復脩蝦蟇嶺路

以通山之前後。設石橋村渡。以達山之東西。冬寒則施棉衣。歲  
饑則煮芋食。立惜字局。葺能仁寺。懃懃懇懇。與人爲善之意。爲  
日不足。余之序君如此。君善與人交。經紀朋友之事。如己之事。  
曾與余言。有未謀面者。忽從粵東運不億之貲。置諸其家。逾數  
月。乃昇於蘇。謂君粵鹽歲可得萬金。以親老願以相貽。君亦辭  
以父春秋高。余曰。此事有二美。不以萬金廢一日之養。君之孝  
也。未謀面而托以不億之貲。聞君之義也。此余贈序中所遺而  
未及者也。昔汪堯峯編脩誌席翁。謂東山翁許衰而席氏與相  
繼爲湖山主人。四方賓至如歸。其義舉不可枚數。予雖晚進。幸  
得追從杖履。逮翁歿而山中老成典型。邈然不可復覩。惟莫里

綠野齋別後合集

卷六

稟

山峯五湖烟水。弗改其舊而已。嗟乎。堯峯與席翁。非有契闊之  
情。鷄鳴風雨之思也。猶不勝惋惜。矧余交君十八年。歲前遺君  
書。今春將以衰病乞休。過蘇。敘積年饑渴。乃俯仰之間。遂成今  
昔。視汪堯峯能。不獨抱金川門之痛乎。配蔣淑人。生丈夫子五。  
長士康。河南信陽州知州。卽補同知直隸州。

欽加知府銜。次士樂。國學生。捐職州同銜。出嗣。次士勳。國學生。  
次士悅。殤。次士珪。報効軍需。議敘浙江候補縣主簿。女一。孫男  
七人。振奕。庠生。議敘八品銜。振墀。業儒。俱士康出。振華。議敘八  
品銜。振彝。議敘八品銜。振森。俱士樂出。振瀾。業儒。振源。業儒。俱  
士勳出。孫女六人。士康出者五。士樂出者一。曾孫四人。振奕出。

者二迪裕迪瑩振華出者一迪元振彞出者一迪炳曾孫女六  
人生於乾隆四十二年三月十二日亥時卒於道光二十四年  
十月初四日子時享年六十有八擇於某年某月某日葬於某  
原之某阡嗚呼士康服官豫省余每稱君之行謂爲善者必有  
後而士康果不次拔擢異日將闕闕君之門第君之食報過於  
席太僕君可以無憾矣銘曰

是爲太湖徐君春帆之室水環抱山聳峙慶之餘兮善之積以  
藏厥身以昌厥世

太湖二百年惟席太僕足匹春帆用以作陪則春帆十分出  
色此韓歐借賓定主法余與春帆交最久古曰在昔昔日先

綠野齋則後合集

卷六

墓

民情盡於此文落筆時淚涔涔下也

自記

英煦齋曰余來袁江勘視河工風塵鞅掌得讀綠野齋集所論皆我之所欲論所辨皆我之所欲辨不知何以先得我心也文氣澆湧澎湃黃河之水天上來萬里瀉入胸懷間老拙攔筆諱和

滿洲進士協辦大學士

盧南石曰綠野齋集海市蜃樓鏡花水月匣劍帷燈盡得左傳史記之妙吾鄉王漁洋之詩寶東臬之制義配以綠野齋古文可稱三不朽諱蔭溥山東進士體仁閣大學士

程梓庭曰閱世俗所爲古文如塵飯土羹令人嘔吐今讀綠野齋集不覺心氣爲之一爽文之所以久存者祇是光景常新是集無一點塵土氣不能不傳非余之私其所好也諱祖洛安徽進士浙閩總督

綠野齋前後合集卷六

臺

賀耦耕曰綠野齋集一氣讀下文章學問經濟性情具見尺幅中至今長讀竟胸中鄙吝不知消歸何有讀者如是作者更當何如簿書堆裏俗塵何止三斗非此不能一洗也諱長齡湖南進士貴州巡撫

蔡申甫曰是集發聖賢之正理闡羣儒之雜說無一篇無心得無一語不圓健筆如羣龍戲海氣則長虹飲江韓昌黎所謂醇

而後肆也諱之定浙江進士鴻臚寺少卿

張子駿曰文章一道有傳於當世不傳於後世者未有無聞於時而能稱誦於奕禩者也八家之文皆當時名震天下故愈遠

而彌光其精神自能流行於天地之間非人所能爲輕重也閣下文集余銘諸心矣承示囑書放鶴亭雲龍書院二記余字惡劣藉大作刻石以垂久遠

諱岳松廣東進士湖北布政使

龔聲甫曰閣下論辨開拓萬古之心胸推倒一世之豪傑可謂宏文無範序記碑誌本色中自寓神奇余尤愛同懷堂記族譜記言生王母墓誌駕震川而上之與歐瀧岡圩表並垂年來多病如先填溝壑願以誌銘爲託

諱鏗江西進士內閣學士兼禮部侍郎

賈良山曰學古文之病不外鬼怪庸膚二種是集一掃而空性道學術治術實能以歐蘇之筆達程朱之理以武侯靖節昌黎爲間道尤見特識八家後蔚然一大宗也

諱聲槐山東進士浙江溫處道

綠野齋前後合集

卷六

真

馬春巷曰日前奉到綠野齋大著二種逐日細讀制義高深淵懿可匹省吾齋弟服膺尤在古文自史漢以下諸家所長無不蒼萃筆下且理餘於文意餘於詞皆堪扶植名教羽翼經傳讀之繹之不能自巳洵乎義理悅心猶芻豢之悅口也

諱志夔浙江進士雲

南迤西道

